



SLUŽBENE NOVINE

ZENIČKO - DOBOJSKOG KANTONA

Godina XIII - Broj 2

ZENICA, petak, 15.02.2008.

SKUPŠTINA

Član 2.

25.

Na osnovu člana 37. stav 1. tačka f) Ustava Zeničko-dobojskog kantona, Skupština Zeničko - dobojskog kantona na 14. sjednici, održanoj dana 23.01.2008. godine, donosi

ZAKON

o izmjenama i dopunama Zakona o kantonalnim ministarstvima i drugim tijelima kantonalne uprave

Član 1.

U članu 6. stav 2. Zakona o Kantonalnim ministarstvima i drugim tijelima kantonalne uprave ("Službene novine Zeničko-dobojskog kantona", broj: 15/04 i 6/07), (u daljem tekstu: Zakon), u drugom redu, iza riječi "sigurnosti" dodaju se riječi "Bosne i Hercegovine," u trećem redu iza riječi "Kantona", riječi: "zaštita prava, sloboda i sigurnosti saobraćaja", zamjenjuju se riječima: "zaštita života i lične sigurnosti građana", u petom redu iza riječi „mira“ dodaju se riječi: „održavanje javnih skupova“, u dvadeset drugom redu iza riječi „knjigama“ briše se zarez i dodaju riječi: „i državljanstvu“, u dvadeset i trećem redu brišati riječi "sigurnosti saobraćaja", u dvadeset četvrtom redu iza riječi „izdavanja“ riječ „iskaznica“ se zamjenjuje riječima: „ličnih karata i putnih isprava“, u dvadeset četvrtom redu iza riječi „JMBG“, brišati riječi: „i putnih isprava“, u dvadeset i petom redu iza riječi „vozila“ brišu se riječi: „vozačkim ispitima“, u dvadeset sedmom redu iza riječi „municije“, dodaju se riječi „vrši poslove u vezi sa provođenjem propisa o agencijama za zaštitu ljudi i imovine“, u dvadeset devetom redu iza riječi „Ministarstvo“ brišu se riječi: „obavlja poslove koji se tiču kretanja i boravka stranaca, udruženja stranaca, međunarodnih organizacija, u skladu sa pravnim ovlaštenjima, održavanje javnih skupova“, u trideset petom redu iza riječi „zakonom“ dodaju se riječi: „i ostvaruje odgovarajuću saradnju sa drugim policijskim strukturama u Bosni i Hercegovini u skladu sa propisima Bosne i Hercegovine, Federacije Bosne i Hercegovine i Kantona“.

U članu 7. u stavu 1. u petom redu iza riječi "pravobranilaštva", brišu se riječi: "Kantonalnog i općinskih sudova za prekršaje".

U stavu 2. u jedanaestom redu iza riječi "zakonom" brišu se riječi: "poslove oko postavljanja stalnih sudskih vještaka i stalnih sudskih tumača, poslove oko organizovanja ispita za stalne sudske tumače i sudije za prekršaje", u sedamnaestom redu iza riječi "organizaciju" riječ "kadrove", se briše, u dvadeset sedmom redu riječ: "obavezna" se zamjenjuje riječima: "i predlaže autentična".

Član 3.

U članu 8. iza riječi "revizija" dodaje se zarez i riječi: "centralizovani obračun i isplata plaća za sve budžetske korisnike".

Član 4.

U članu 11. u stavu 2. u sedamnaestom redu iza riječi "sindikatom" dodaju se riječi "inspeksijskim organima, a naročito u oblasti radnih odnosa i zaštiti na radu, organima PIO/MIO po pitanjima od značaja za ostvarivanja prava iz penzijskog i invalidskog osiguranja," u dvadesetom redu iza riječi "invaliditetom" dodaje se zarez i riječi: "rješavanje u drugostepenom postupku protiv odluka JU Službe za zapošljavanje o izdavanju radnih dozvola strancima, nadzor nad radom kantonalne Službe za zapošljavanje".

U stavu 3. u jedanaestom redu iza riječi "djece", dodaju se riječi: "djece čiji je razvoj ometen porodičnim prilikama, lica ovisnih o psiho-aktivnim supstancama", u dvadeset sedmom redu iza riječi "socijalnog karaktera", dodaju se zarez i riječi: "iniciranje i provođenje aktivnosti od značaja za otklanjanje posljedica prirodnih i drugih nesreća do osiguranja osnovnih uslova za život u funkciji zaštite i spašavanja ljudi i materijalnih dobara od prirodnih i drugih nesreća".

U stavu 4. u šestom redu iza riječi "potreba" dodaju se riječi: "u nužnoj opravci vlastitih kuća ili stanova, pomoć u korištenju kredita ili donacija za otpočinjanje poslova u pogledu stvaranja prihoda za sebe i svoju porodicu".

Član 5.

Član 12. Zakona mijenja se i glasi:

“Ministarstvo za boračka pitanja Zeničko-dobojskog kantona vrši upravne i stručne poslove utvrđene zakonima i drugim propisima koji se odnose na utvrđivanje i ostvarivanje prava i zaštitu interesa branilaca iz proteklog odbrambeno oslobodilačkog rata – pripadnika jedinica Oružanih snaga RBiH i ratnih postrojbi HVO-a i članova njihovih porodica: ratnih vojnih invalida, demobiliziranih branilaca, dobitnika ratnih priznanja ili odlikovanja, članova porodica šehida, poginulih, umrlih i nestalih branilaca i umrlih ratnih vojnih invalida i članova uže porodice umrlih poginulih ili nestalih dobitnika ratnih priznanja ili odlikovanja. Prvenstveno se to odnosi na poslove u vezi sa reguliranjem socijalno-statusnih pitanja branilaca i članova njihovih porodica: pitanja zdravstvene zaštite, ortopedskih pomagala i medicinske rehabilitacije, profesionalne rehabilitacije, stambenog zbrinjavanja, prednosti u školovanju i zapošljavanju, podizanja nišana i spomen obilježja, novčane pomoći u rješavanju socijalno-ekonomskih problema i drugo, pri čemu Ministarstvo daje mišljenje u donošenju sistemskih propisa kojim se reguliraju osnovna pitanja branilaca i članova njihovih porodica na nivou Federacije BiH; priprema zakone i druge propise kojim se reguliraju socijalno-statusna pitanja branilaca i članova njihovih porodica na području Kantona; neposredno izvršava zakone i druge propise; rješava u drugostepenom upravnom postupku i vrši poslove revizije rješenja izdatih u prvostepenom postupku; vrši upravni i finansijski nadzor nad provedbom zakona i drugih propisa iz ove oblasti; daje mišljenje po propisima koje pripremaju drugi organi, a odnose se na prava pripadnika branilačke populacije, donosi podzakonske akte i prati stanje u oblasti branilačko-invalidske zaštite.

Ministarstvo osigurava zaštitu i učesnika narodno-oslobodilačkog rata 1942.-1945.godine i učesnika drugih oslobodilačkih ratova i pokreta, u skladu sa važećim zakonima i drugim propisima.”

Član 6.

U članu 14. iza stava 1. dodaje se stav 2. koji glasi:

“Ministarstvo vrši upravne, stručne i druge poslove utvrđene Zakonom iz nadležnosti Kantona koji se odnose na kontinuirano i koordinirano provođenje saobraćajne edukacije, vršenja inspeksijskog nadzora nad zakonitošću rada ustanova i drugih institucija čija je djelatnost saobraćajna edukacija u djelokrugu nadležnosti ministarstva, utvrđivanje standarda i normativa djelatnosti u oblasti saobraćajne edukacije, sređivanje analitičko-informacionih materijala, vođenje registara i baza podataka

iz oblasti saobraćajne edukacije, pripremanje nacрта i prijedloga zakona i drugih propisa iz ove oblasti u skladu sa zakonom.”

Dosadašnji stavovi 2. i 3. postaju stavovima 3. i 4.

Član 7.

U članu 17. iza riječi: “radne odnose,” riječ “upošljavanje,” se briše.

Član 8.

U članu 18. iza riječi: “koordiniranje provedbe mjera zaštite i spašavanja” dodaju se riječi: “organizovanje i provođenje poslova zaštite od požara i vatrogastvo.”

Član 9.

U članu 19. iza stava 3. dodaje se stav 4. koji glasi:

“Pravne usluge u krivičnom postupku korisnicima pružaju branitelji, a u parničnim postupku punomoćnici u skladu sa zakonom.”

Dosadašnji stavovi 4., 5. i 6. postaju stavovima 5., 6. i 7.

Član 10.

U članu 22. iza stava 1. dodaje se stav 2. koji glasi:

“Izuzetno, u Ministarstvu unutrašnjih poslova Kantona, Upravom policije rukovodi policijski komesar kao rukovodni policijski službenik”.

Dosadašnji stav 2. postaje stavom 3.

Član 11.

U članu 23. iza riječi “službe” dodaju se riječi: “osim ako posebnim zakonom nije drugačije određeno”.

Član 12.

U članu 24. u stavu 2. iza riječ “direktora” dodaju se riječi “i sekretar uprave, odnosno upravne organizacije”.

Član 13.

Ovlašćuje se Zakonodavno-pravna komisija Skupštine Zeničko-dobojskog kantona da utvrdi prečišćeni tekst Zakona o kantonalnim ministarstvima i drugim tijelima kantonalne uprave.

Član 14.

Zakon stupa na snagu osmog dana od dana objavljivanja u „Službenim novinama Zeničko-dobojskog kantona“.

Broj: 01-02-2723/2008. godine **PREDSJEDAVAJUĆI**
Datum, 23.01.2008. godine
Zenica **Sejad Zaimović, s.r.**

26.

Na osnovu člana 37. stav 1. tačka f) Ustava Zeničko-dobojskog kantona Skupština Zeničko-dobojskog kantona, na 14. sjednici, održanoj dana 23.01.2008.godine, donosi

**Zakon
o izmjenama i dopunama Zakona o
prostornom uređenju**

Član 1.

U Zakonu o prostornom uređenju („Službene novine Zeničko-dobojskog kantona”, broj 2/04) u članu 6. u stavu 2. tačke 1. i 2. se brišu a dosadašnje tačke 3., 4. i 5. postaju tačke 1., 2. i 3.

U dosadašnjoj tački 3. alineja 2 “- prostorni plan dviju ili više općina” se briše, a dosadašnja tačka 4. sadašnja tačka 2. mijenja se i glasi: “2) urbanistički plan”.

Član 2.

U članu 7. u alineji 1 brišu se crtica i riječi “- Prostorna osnova Kantona” i “i Program mjera”.

U istom članu u alineji 3. brišu se crtica i riječi “- Prostorna osnova općine” i “i Program mjera”.

Alineja 6. se briše.

Član 3.

U članu 8. dodaje se stav 2. koji glasi:

“Način pripreme, izrade i sadržaj planskih dokumenata utvrđuje se Uredbom o jedinstvenoj metodologiji za izradu dokumenata prostornog uređenja („Službene novine F BiH”, broj: 63/04).”, u daljem tekstu: “Uredba”.

Član 4.

U članu 10. stav 4. u alineji 4. iza riječi “infrastrukture” dodaju se riječi “sa zaštitnim pojasevima”, u alineji 11. iza riječi “Kantona” dodaju se riječi: “(prostorni plan općine, područje posebnih obilježja, urbanistički plan i dr.)”.

Član 5.

U članu 11. u drugom stavu iza alineje 2. dodaje se nova alineja 3. koja glasi: ”- definisanje granica naselja i urbanih prostora”.

U alineji 9. iza riječi “plan” brišu se riječi: ”i urbanistički red”.

Ispred stava 3. dodaje se novi stav 3. koji glasi: “Prostorni plan općine može sadržavati i druge elemente od značaja za općinu koji nisu u suprotnosti sa Prostornim planom Kantona”.

Dosadašnji stav 3. postaje stav 4.

Član 6.

U članu 12. stav 1. riječi: ”koji nije kraći od 10 ili duži od 15” zamjenjuju se riječima “od 20 godina”.

Član 7.

U članu 14. stav 2. riječi “ dviju godina” zamjenjuju se riječima “četiri godine”.

Član 8.

U članu 15. stav 1. riječ “dvogodišnji” zamjenjuje se riječju “četverogodišnji”.

Član 9.

U članu 16. stav 1. riječi “O prijedlogu” zamjenjuju se riječima “Prije utvrđivanja prijedloga”.

Član 10.

Iza člana 21. naslov “Urbanistički red” se briše kao i članovi 22. i 23.

Dosadašnji članovi od 24. do 97. pomjeraju se za 2 broja niže.

Član 11.

U članu 24. iza stava 2. dodaju se stavovi 3., 4., 5. i 6. koji glase:

“Regulacioni plan donosi se za područje na kojem se očekuje pojačana gradnja ili uređenje prostora čije su granice utvrđene prostornim ili urbanističkim planom.

Urbanistički projekat se donosi za područja koja se izgrađuju kao cjelina ili su već djelimično izgrađena. Osnova za izradu urbanističkog projekta je regulacioni plan ako je planskim dokumentom šireg područja predviđena njegova izrada.

Izmjene detaljnog plana uređenja mogu se donijeti pet godina nakon njegovog donošenja.

Sredstva za pripremu, izradu i praćenje provedbe detaljnih planova osiguravaju se u budžetu Kantona kad je obaveza njihovog donošenja utvrđena planskim dokumentom šireg područja kojeg donosi Kanton, odnosno u budžetu općine ili iz drugih izvora”.

Član 12.

U članu 30. u drugom stavu riječi: “putem javnog konkursa” zamjenjuju riječima: “u skladu sa Zakonom o javnim nabavkama BiH (“Službeni glasnik BiH”, broj: 9/04, 49/04, 19/05, 52/05, 8/06, 24/06 i 70/06)”.

Član 13.

U članu 31. u stavu 1. iza riječi “Zakonom” dodaje se riječ: “Uredbom”.

Član 14.

U članu 33. dodaje se stav 3. koji glasi:
“Usaglašavanje planskih dokumenata osigurava se u postupku izrade dokumenata”.

Član 15.

U članu 36. riječi “raznih specijalnosti” zamjenjuju se riječima: “iz oblasti urbanizma, arhitekture, građevinarstva, mašinstva, elektrotehnike i saobraćaja.”

Iza stava 1. dodaje se stav 2. koji glasi:
“Izuzetno od stava 1. ovog člana od polaganja stručnog ispita oslobađaju se doktori nauka i magistri u oblasti planiranja prostora i građenja i lica koja imaju položen stručni ispit na teritoriji Bosne i Hercegovine.”

Član 16.

U članu 38. u stavu 1. brišu se riječi: “Prostorne osnove Kantona” i “dvogodišnjeg.”

Iza stava 2. dodaje se novi stav 3. koji glasi:
“Sredstva za pripremu, izradu, donošenje i praćenje provedbe Prostornog plana područja posebnih obilježja za područja od značaja za Kanton, odnosno dvije ili više općina osiguravaju se u Budžetu Kantona, odnosno općina.”
Dosadašnji stav 3. postaje stav 4.

Član 17.

U članu 40. stav 2. dodaje se alineja 5. koja glasi:
“- objekti na vodnim površinama (ribogojilišta, plutajuće platforme i sl.)”

Član 18.

U članu 52. stav 3. mijenja se i glasi: “Protiv rješenja o urbanističkoj saglasnosti, koje je donijelo Ministarstvo, ne može se izjaviti žalba, ali se može pokrenuti upravni spor tužbom kod Kantonalnog suda u Zenici, u roku od 30 dana od dana prijema rješenja.”

Član 19.

U članu 54. brišu se stavovi 2. i 3., a stavovi 4. i 5. postaju 2. i 3.

U stavu 4. koji je postao stav 2., broj “2” zamjenjuje se brojem “1”.

U stavu 5. koji je postao stav 3., broj “4” zamjenjuje se brojem “2”.

Član 20.

U članu 58. ispred stava 1. dodaje se novi stav koji glasi: “Korištenje zemljišta moguće je samo na uređenom građevinskom zemljištu”. Dosadašnji stavovi 1. i 2. postaju stavovi 2. i 3.

U dosadašnjem stavu 1. u trećem redu na kraju rečenice iza riječi: “zemljišta” dodaju se riječi: ”na način propisan “Zakonom o građevinskom zemljištu (“Službene novine FBiH”, broj 25/03).”

Član 21.

U članu 64. iza stava 1. dodaje se stav 2. koji glasi:
“Izuzetno od odredaba stava 1. ovog člana, za područja za koja nije donesen odgovarajući detaljni planski dokumenat, parcelacija se vrši na osnovu namjene površina iz plana šireg područja i stručne ocjene”.

Dosadašnji stavovi 2., 3., 4., 5. i 6. postaju stavovi 3., 4., 5., 6. i 7.

Član 22.

U poglavlju VII “Kaznene odredbe” podnaslov “Privredni prestupi” zamjenjuje se podnaslovom “Prekršaji”.

Član 23.

U članu 82. stav 1. broj “20.000,00” zamjenjuje se brojem “15.000,00”, a riječi “privredni prestup”, zamjenjuju se riječju “prekršaj”:

Član 24.

U poglavlju VII “Kaznene odredbe”, podnaslov “3.Prekršaji” briše se.

Član 25.

Ovlašćuje se Zakonodavno-pravna komisija Skupštine Kantona da utvrdi prečišćeni tekst Zakona o prostornom uređenju.

Član 26.

Ovaj Zakon stupa na snagu osmog dana od dana objavljivanja u "Službenim novinama Zeničko-dobojskog kantona."

Broj: 01-02-2721/08

PREDSJEDAVALAČICA

Datum, 23.01.2008. godine

Zenica

Sejad Zaimović, s.r.

.....

27.

Na osnovu člana 37. stav 1. tačka f) Ustava Zeničko-dobojskog kantona, Skupština Zeničko-dobojskog kantona na 14. sjednici održanoj 23.01.2008.godine, donosi:

**Zakon
o izmjenama i dopunama Zakona o
građenju**

Član 1.

U Zakonu o građenju („Službene novine Zeničko-dobojskog kantona“, broj:1/05) u članu 23. u stavu 2. riječi „posebne uvjete propisane pravilnikom koji donosi ministar Ministarstva“, zamjenjuju se riječima „uvjet da u stalnom radnom odnosu sa punim radnim vremenom imaju najmanje jednog diplomiranog inženjera građevinarstva sa položenim stručnim ispitom“.

Član 2.

U članu 39. u stavu 2. u tački 6. broj „27“ zamjenjuje se brojem „34“.

Član 3.

U članu 41. stav 3. mijenja se, a umjesto njega dodaju se novi stavovi 3., 4., 5. i 6. koji glase:

„Ministarstvo ili općinska služba objavljuje javni poziv na svojoj oglasnoj ploči i dostavlja obavijest strankama u postupku o mjestu i vremenu uvida u projekat kao i naziv investitora, vrstu i lokaciju građevine.

Javni poziv i obavijest objavljuje se, odnosno dostavljaju najmanje 8 dana prije mogućnosti uvida u projekat, a stranke su dužne izjasniti se o projektu u roku od 8 dana od početka uvida.

Ako se stranke ne izjasne o projektu u roku iz stava 4.

ovog člana, smatra se da je stranci pružena mogućnost uvida u glavni projekat radi izjašnjenja i da nema primjedbi.

Ako stranka prilikom uvida u glavni projekat na isti izjavi primjedbe o osnovanosti istaknutih primjedbi odlučuje Ministarstvo ili općinska služba“.

Dosadašnji stavovi 4. i 5. postaju stavovi 7. i 8.

Član 4.

U članu 42. stav 8. mijenja se i glasi: „Protiv rješenja o odobrenju za građenje, koje je donijelo Ministarstvo, ne može se izjaviti žalba, ali se može pokrenuti upravni spor tužbom kod Kantonalnog suda u Zenici u roku od 30 dana od dana prijema rješenja“.

Član 5.

U članu 50. u prvom pasusu, prvi red, riječi „Odredbama ovog zakona“, se brišu.

Član 6.

U članu 50. iza riječi „mrežu“, u trećem redu stava 3. dodaju se riječi: „osim u slučaju čl. 69. Zakona“

Član 7.

Iza člana 50. dodaje se naslov „*Legalizacija bespravno izgrađenih građevina*“.

Član 8.

U članu 51. stav 1. se mijenja i glasi:

„Pod legalizacijom u smislu ovog zakona podrazumijeva se provođenje postupka u kojem se donosi rješenje koje proizvodi isto pravno dejstvo kao odobrenje za građenje.

Član 9.

U članu 51. stav 2. iza 4. alineje dodaje se nova alineja koja glasi: „je izgrađena do dana stupanja na snagu ovog zakona“.

Član 10.

Iza člana 51. dodaju se novi članovi od 52. do 71. koji glase:

„Član 52.

Bespravno izgrađenom građevinom u smislu ovog zakona smatra se:

- građevina ili njen dio izgrađen bez odobrenja za građenje, građevina u čijoj je izgradnji odstupljeno

- od odobrenja za građenje i građevina dograđena ili nadzidana bez odobrenja za građenje,
- građevina u čijoj je izgradnji odstupljeno od odobrenja za građenje kao i građevina čiji vlasnik posjeduje odobrenje za građenje, a protekao je rok za izmjenu odobrenja utvrđen zakonom ili je zahtjev za izmjenu odbijen,
- građevina dograđena ili nadzidana bez pravosnažnog odobrenja za građenje upisana u zemljišnu knjigu, dograđena ili nadzidana bez odobrenja za građenje.

Član 53.

Postupak legalizacije provode Ministarstvo i Općinska služba zavisno od nadležnosti utvrđene u članu 46. Zakona o prostornom uređenju („*Službene novine Zeničko-dobojskog kantona*“ broj:2/04).

Postupak legalizacije provodi se na osnovu odredbi ovog zakona, Zakona o prostornom uređenju, Zakona o građevinskom zemljištu Federacije Bosne i Hercegovine („*Službene novine Federacije BiH*“, broj: 67/05) i Zakona o upravnom postupku („*Službene novine Federacije BiH*“, broj: 2/98 i 48/99).

Član 54.

Postupak legalizacije se pokreće na zahtjev ovlaštenog lica.

Ovlaštenim licem u smislu ovog zakona smatra se graditelj bespravno izgrađene građevine, vlasnik bespravno izgrađene građevine ukoliko on nije bio graditelj, a vlasništvo dokazuje kupoprodajnim ugovorom ili lice koje je nekretninu steklo na drugi zakonom propisan način.

Zahtjev za legalizaciju podnosi se u roku jedne godine od dana stupanja na snagu ovog zakona. Protekom ovog roka gubi se pravo na podnošenje ovog zahtjeva.

Član 55.

Uz zahtjev za izdavanje rješenja o legalizaciji bespravno izgrađenih građevina (*u daljem tekstu: rješenja*) poslije 31.05.1974.godine, a do stupanja na snagu ovog zakona, prilažu se slijedeći dokazi:

- izvod iz planskog akta ili stručno mišljenje Stručne komisije iz člana 15 ovog zakona;
- kopija katastarskog plana;
- ažurna geodetska podloga, sa ucrtanom građevinom na istoj, izrađena od strane ovlaštene organizacije;
- projekat izvedenog stanja u dva primjerka, urađen na nivou Glavnog projekta; uključujući i radove koje treba izvesti;
- dokaz o pravu građenja propisan članom 40. Zakona o građenju;
- dokaz o uplati naknade za uređenje građevinskog

- zemljišta, kao i izmirenje drugih obaveza propisanih posebnim zakonom;
- saglasnosti nadležnih organa i službi;
- izvještaj o geomehaničkim i inženjersko-geološkim karakteristikama tla, ukoliko je to potrebno.

Ukoliko podnosilac zahtjeva nije u mogućnosti priložiti neki od dokumenata iz stava 2. ovog člana dužan je navesti razloge za to. U zavisnosti od prirode nedostajuće dokumentacije Ministarstvo ili općinska služba će ostaviti podnosiocu zahtjeva naknadni rok za dostavljanje dokumentacije.

Ukoliko i po proteku naknadno ostavljenog roka ne bude dostavljena tražena dokumentacija, zahtjev će se odbaciti kao nepotpun.

Član 56.

Rješenje u postupku legalizacije bespravno izgrađene građevine ne može se donijeti za građevinu na prostoru gdje prema prostorno-planskoj dokumentaciji nije dozvoljeno građenje ili se u skladu sa drugim posebnim propisima legalizacija ne može provesti.

Član 57.

Ministarstvo ili općinska služba donosi rješenje po zahtjevu za legalizaciju i dostavlja ga stranci najkasnije u roku od 60 dana računajući od dana predaje urednog zahtjeva za legalizaciju.

Član 58.

Ministarstvo ili općinska služba će donijeti rješenje o legalizaciji, ukoliko bespravno izgrađena građevina zadovoljava:

- zahtjeve odgovarajućeg prostorno - planskog dokumenta predviđenog zakonom
- propisane građevinske standarde i
- uvjete predviđene posebnim zakonom.

Član 59.

Za slučajeve bespravno izgrađene građevine koja se nalazi na prostoru za koji nije donesen odgovarajući prostorno-planski akt, ako se bespravno izgrađeni objekat po svojoj namjeni, izgledu i položaju uklapa u okruženje na području na kojem se nalazi, kao i ako zadovoljava propisane građevinske standarde i uslove predviđene posebnim zakonima, donijet će se rješenje na osnovu ocjene Stručne Komisije (*u daljem tekstu: Stručna komisija*).

Član 60.

Stručnu komisiju od 5 članova imenuje Skupština Zeničko - dobojskog kantona, na prijedlog ministra Ministarstva za prostorno uređenje, promet i komunikacije i zaštitu okoline, odnosno Općinsko vijeće na prijedlog općinskog načelnika zavisno od nadležnosti iz člana 46. Zakona o prostornom uređenju.

U Stručnu komisiju iz stava 1. ovog člana imenuju se:

Pomoćnik ministra, odnosno šef službe za prostorno uređenje koji predsjedava Stručnom komisijom, jedan diplomirani inženjer arhitekture, jedan inženjer građevine, jedan diplomirani inženjer čija će se struka odrediti zavisno od vrste, veličine i namjene građevine i jedan diplomirani pravnik.

Članovi Stručne komisije moraju imati najmanje pet godina radnog iskustva na poslovima prostornog planiranja i provođenja prostorno-planske dokumentacije i položen stručni ispit.

Stručna komisija za svoj rad ima pravo na naknadu koja će se utvrđivati posebnim aktom ministra, odnosno načelnika, a troškove rada komisije snosi lice po čijem zahtjevu Stručna komisija radi.

Član 61.

Stručna komisija po svakom pojedinačnom zahtjevu donosi stručnu ocjenu o mogućnosti legalizacije bespravno izgrađene građevine.

U slučajevima kada namjena bespravno izgrađene građevine koja se nalazi na području za koji je donesena prostorno-planska dokumentacija i za koju je podnesen zahtjev za legalizaciju nije u skladu sa namjenom područja utvrđenom odgovarajućom prostorno-planskom dokumentacijom Stručna komisija može inicirati izmjenu tog dokumenta.

Ukoliko Stručna komisija inicira izmjenu prostorno-planskog dokumenta Ministarstvo, odnosno općinska služba prekinut će postupak po zahtjevu za legalizaciju do isteka roka za donošenje odluke o izmjeni odgovarajućeg prostorno-planskog dokumenta.

Ukoliko Stručna komisija ne inicira izmjenu odgovarajućeg prostorno-planskog dokumenta iz stava 2. ovog člana u roku od 30 dana od dana kada je postupala po zahtjevu za legalizaciju, i o tome izvjesti Ministarstvo, odnosno općinsku službu isti će odbiti zahtjev za legalizaciju bespravno izgrađene građevine.

Član 62.

Rješenje proizvodi isto pravno dejstvo kao odobrenje za građenje izdato u postupku legalne gradnje.

Rješenjem se određuju uvjeti pod kojima se izgradnja započete i/ ili nedovršene bespravno izgrađene građevine

može završiti.

Rješenjem se određuje iznos naknade propisane Zakonom o građevinskom zemljištu Federacije Bosne i Hercegovine.

Član 63.

Ministarstvo ili općinska služba će naložiti rekonstrukciju, odnosno djelimično rušenje bespravno izgrađene građevine ili preduzimanje neke druge radnje iz člana 16. ovog zakona, ukoliko se na taj način mogu ispuniti uvjeti za legalizaciju.

Član 64.

Za bespravno izgrađenu građevinu za koju je doneseno rješenje, provodi se postupak izdavanja upotrebne dozvole za legaliziranu građevinu.

Zahtjev za izdavanje upotrebne dozvole za legaliziranu građevinu, investitor, odnosno vlasnik građevine podnosi Ministarstvu, odnosno općinskoj službi koja je izdala rješenje o legalizaciji građevine.

Uz zahtjev iz stava 2. ovog člana obavezno se prilaže:

- rješenje o legalizaciji građevine,
- projekat izvedenog stanja sa elaboratima: zaštite od požara, zaštite na radu i zaštite okoline,
- pisana izjava izvođača o izvedenim radovima i pisani izvještaj nadzornog organa o građenju objekta ukoliko iste posjeduje, odnosno izjava vlasnika objekta o nesolidnoj gradnji, ukoliko vlasnik ne posjeduje naprijed pomenute izjave.

Član 65.

Ministarstvo, odnosno općinska služba dužna je u roku od 15 dana od dana prijema urednog zahtjeva iz člana 19. ovog zakona obaviti tehnički pregled legalizovane građevine.

Tehnički pregled obavlja stručna komisija za tehnički pregled (u daljem tekstu: Komisija), koju rješenjem imenuje ministar ili načelnik općine, zavisno iz čije je nadležnosti legalizirana građevina.

U sastav Komisije imenuju se diplomirani inženjeri odgovarajuće struke sa pet godina radnog iskustva i položenim stručnim ispitom. Broj članova Komisije ovisi o vrsti i složenosti legalizovane građevine.

Član 66.

Tehnička ispravnost legalizirane građevine utvrđuje se vještačenjem na osnovu uviđaja na licu mjesta i izjave vlasnika građevine o nesolidnoj gradnji ukoliko nema pisane izjave izvođača o izvedenim radovima i pisanog

izvještaja nadzornog organa nad građenjem.

Izjava vlasnika građevine o nesolidnoj gradnji zamijenit će nedostajuću dokumentaciju koja se odnosi na kvalitet radova i ugrađenih proizvoda i opreme kao i preuzimanje odgovornosti za sve eventualne štete nastale zbog nekvaliteta ugrađenih materijala, odnosno zbog nezadovoljavanja propisa i standarda građenja.

O izvršenom tehničkom pregledu Komisija sačinjava izvještaj.

Član 67.

Ministarstvo, odnosno općinska služba na osnovu pozitivnog mišljenja Komisije izdat će u roku od 30 dana upotrebnu dozvolu za legaliziranu građevinu.

Ako Komisija prilikom ocjene tehničke ispravnosti legalizirane građevine utvrdi nedostatke na građevini koji se ne mogu otkloniti ili da postoji opasnost po stabilnost objekta, po život i zdravlje ljudi, okolinu, saobraćaj ili susjedne objekte, Ministarstvo, odnosno općinska služba donijet će rješenje o uklanjanju objekta na teret investitora.

Član 68.

Ministarstvo ili općinska služba će svakih šest mjeseci obavještavati javnost o sprovođenju procesa legalizacije bespravno izgrađenih građevina u skladu sa ovim zakonom.

Član 69.

Na osnovu zahtjeva o legalizaciji bespravno izgrađene građevine, investitor ima pravo na privremeno priključenje, do okončanja postupka legalizacije, na instalacije komunalne i druge infrastrukture (vodovod, kanalizacija, toplovod, gasovod, TT vod i elektro vod).

Način i postupak priključenja bespravno izgrađenog objekta na infrastrukturu iz stava 1. ovog člana propisat će preduzeće svako iz svoje nadležnosti u skladu sa propisima i standardima koji se odnose na tu djelatnost. Za tehničku ispravnost priključka odgovara pravno lice koje je odobrilo priključak na svoju infrastrukturu.

Član 70.

Komunalna i druga privredna društva infrastrukture (vodovod i kanalizacija, elektro, toplovod, gasovod i TT vod) isključit će sa svojih instalacija građevine iz člana 22. u skladu sa svojim propisima, ukoliko privremeni korisnik njihovih usluga u roku od jedne godine ne dostavi rješenje o legalizaciji bespravno izgrađene građevine.

Izuzetno, komunalna privredna društva iz stava 1. ovog člana neće isključiti privremenog korisnika njihovih usluga i u narednu godinu dana ukoliko priloži dokaz da je postupak legalizacije u toku.

Član 71.

Privremene građevine mogu dobiti status građevina stalnog karaktera, ukoliko ispunjavaju uslove propisane ovim zakonom na isti način kao i bespravno izgrađene građevine.“

Dosadašnji član od 52. do 95. pomjeraju se za 20 brojeva naviše.

Član 11.

U članu 58. u stavu 6. broj „5“ zamjenjuje se brojem „7“.

Član 12.

U članu 59. iza stava 2. dodaje se stav 3. koji glasi:

„Provjera da su nedostaci iz stava 1. ovog člana otklonjeni vrši se ponovnim tehničkim pregledom Komisije iz člana 57. stav 3. ovog zakona, koji je u svojoj fazi koju je pregledao uočio nedostatak, o čemu se sastavlja poseban zapisnik“.

Član 13.

U članu 60. stav 1. alineja 5. se briše.

Član 14.

U članu 64. stav 1. iza riječi „investitora“ dodaje se riječ „iznimno“.

Član 15.

U članu 75. dodaju se stavovi 2. i 3. koji glase:

„Nadležni građevinski inspektor može rješenjem narediti da vlasnik ili investitor objekta podnese zahtjev za legalizaciju bespravno izgrađene građevine ili njenog dijela, u roku koji inspektor odredi u rješenju, a koji ne može biti kraći od 30 dana.

Ukoliko građevinski inspektor donese rješenje iz stava 2. ovog člana dužan je donijeti zaključak o prekidi postupka, do donošenja rješenja o legalizaciji od strane nadležnog organa, u slučaju kada vlasnik ili investitor objekta podnese zahtjev za legalizaciju.

Član 16.

U članu 76. u stavu 1. u četvrtom redu riječ „utvrdi“ zamjenjuje se riječima „je utvrdio prilikom inspeksijskog nadzora“.

U istom članu u stavu 2. u trećem redu riječ „nedostatke“ zamjenjuje se riječju nepravilnost u odgovarajućem padežu.

Član 17.

U članu 79. u stavu 1. u četvrtom redu brišu se riječi „i općinske“.

Iza stava 1. dodaje se stav 2. koji glasi:

„Svaka općina provodi postupak za odabir pravnih lica registrovanih za poslove građenja, za vršenje poslova uklanjanja bespravno sagrađenih građevina iz svoje nadležnosti i zaključuje ugovor“.

U istom članu u stavu 3. u drugom redu iza broja „1“ dodaju se riječ i broj „, i 2“.

Dosadašnji stavovi 2. i 3. postaju 3. i 4.

Član 18.

U članu 80. u stavovima 5. i 6. broj „5“ zamjenjuje se brojem „4“.

Član 19.

U članu 82. stav 1. iza riječi „građenje“ dodaju se riječi: „, protivno prostorno-planskoj dokumentaciji“.

Član 20.

U članu 83. stav 1. iza zadnje alineje dodaje se nova alineja koja glasi: „bez odobrenja za građenje pristupi građenju na prostoru gdje je gradnja dozvoljena“

Član 21.

U članu 84. stav 1. broj „300.00“ zamjenjuje se brojem „500,00“.

Član 22.

U članu 85. stav 1. broj „250“ zamjenjuje se brojem „500,00“.

Član 23.

U članu 86. stav 1. broj „, 200“ zamjenjuje se brojem „500,00“, a riječi „,ili fizičko lice“ brišu se.

Iza stava 2. dodaje se stav 3. i glasi:

„Za prekršaj iz stava 1. ovog člana kaznit će se i fizičko lice kao vlasnik građevine novčanom kaznom u iznosu od 300,00 KM do 1.500, 00 KM.“

Član 24.

U članu 87. stav 1. broj „100,00“ zamjenjuje se brojem „500,00“, a riječi „,ili fizičko lice“ brišu se.

U stavu 2. u prvom redu broj „4“ zamjenjuje se brojem „3“.

U stavu 3. istog člana iza riječi „projektant“ dodaju se riječi „,u pravnom licu“.

Iza stava 3. dodaje se stav 4. i glasi:

„Za prekršaj iz stava 1. ovog člana kaznit će se i fizičko lice koje projektira novčanom kaznom u iznosu od 300,00 KM do 1.500,00 KM.“

Član 25.

U članu 88. stav 1. broj „250,00“ zamjenjuje se brojem „500,00“.

Član 26.

Iza člana 88. dodaje se novi član 88a) koji glasi:

„Novčanom kaznom u iznosu od 500,00 KM do 1.500,00 KM kaznit će se za prekršaj pravno ili fizičko lice kao vlasnik građevine ako ne postupi po rješenju inspektora.“

Za prekršaj iz stava 1. ovog člana kaznit će i odgovorno lice u pravnom licu vlasnika građevine novčanom kaznom u iznosu od 50,00 KM do 500,00 KM.

Član 27.

U članu 89. stav 2. broj „250,00“ zamjenjuje se brojem „500,00“.

Član 28.

Stupanjem na snagu ovog zakona stavlja se van snage Odluka o legalizaciji bespravno izgrađenih građevina („Službene novine Zeničko - dobojskog kantona,“ broj: 15/07).

Član 29.

Postupci koji su pokrenuti povodom zahtjeva za legalizaciju bespravno izgrađenih građevina do dana početka primjene ovog Zakona, riješit će se prema odredbama Odluke o legalizaciji bespravno izgrađenih građevina.

Član 30.

Ovlašćuje se Zakonodavno-pravna komisija Skupštine Kantona da utvrdi prečišćeni tekst Zakona o građenju.

Član 31.

Zakon stupa na snagu osmog dana od dana objavljivanja u „Službenim novinama Zeničko-dobojskog kantona“.

Broj: 01-02-2722/08

PREDSJEDAVALAČI

Datum, 23.01.2008. godine

Zenica

Sejad Zaimović, s.r.**28.**

Na osnovu člana 37. stav 1. tačka f. Ustava Zeničko-dobojskog kantona Skupština Zeničko-dobojskog kantona, na 14. sjednici održanoj dana 23.01.2008.godine, donosi

**ZAKON
O ZAŠTITI OD BUKE**

I. OPĆE ODREDBE**Član 1.**

(Predmet Zakona)

Ovim zakonom utvrđuju se dozvoljeni nivoi buke, mjere zaštite od buke i način mjerenja buke; granični nivoi buke usklađeni sa namjenom prostora i vremenom dana, tako da ne ugrožavaju život i rad ljudi, a posebno njihovo zdravlje, nadzor nad provođenjem ovog zakona, kao i druga pitanja od značaja za zaštitu od buke.

Član 2.

(Značenje pojmova)

Pojmovi upotrijebljeni u ovom zakonu imaju slijedeće značenje:

- a) Buka, u smislu ovog zakona, je svaki zvuk čiji nivo prekoračuje najviše dozvoljene nivoje propisane ovim ili drugim zakonima s obzirom na vrijeme i mjesto gdje nastaje u sredini u kojoj ljudi rade i borave.
- b) Izvorom buke, u smislu ovog zakona, smatra se svaki objekat sa sredstvima za rad i transport, igru i zabavu, uređajima, instalacijama, te bučne aktivnosti ljudi i životinja i drugi objekti i radnje od kojih se širi zvuk i narušava red i mir, a koji prelazi dopuštene nivoje, (u daljem tekstu: izvori buke).
- c) Imisija buke je ukupni nivo buke na mjestu prijema u okolini, koji je povezan sa štetnim uticajima.
- d) Emisija buke je vrednovani nivo buke, kojim izvor utiče na okolni prostor.

- e) Sredinom u kojoj ljudi žive, rade i borave, u smislu ovog Zakona, smatraju se svi otvoreni i zatvoreni prostori u naseljima i izvan naselja u kojima ljudi žive i zadržavaju se radi boravka, rada, edukacije, odmora i rekreacije.

Član 3.

(Izrazi, skraćenice i jedinice mjere)

Izrazi, skraćenice i jedinice mjere, korišteni u ovom zakonu, imaju slijedeće značenje:

- a) dB (Decibel)- 1/10 Bel(desetina Bel-a) - jedinica za mjerenje nivoa zvuka;
- b) dB (A) (Decibel A-skala)- međunarodna mjerna skala nivoa zvuka ili buke koja uzima u obzir promjenjivu osjetljivost ljudskog uha na raznim frekvencijama;
- c) $P_0 = 20 \mu Pa = 20 \times 10^{-6} Pa$ - nivo zvučnog tlaka na pragu čujnosti;
- d) $I_0 = 1 pW/m^2 = 10^{-12} W/m^2$ - nivo jačine zvuka;
- e) L_{eq} dB(A) je srednja energetska vrijednost buke promjenljivog nivoa ekvivalentna buci kontinuiranog nivoa mjerenoj u trajanju od najmanje 15 minuta u periodima 06 do 22 sata (dan) i 22 do 06 sati (noć), odnosno 07 do 23 sata (dan) i 23 do 07 sati (noć).
- f) L_n dB (A) je nivo zvučnog pritiska koji je iznad navedenog u n% vremena od perioda u kojem se mjeri;
- g) L_1 označava nivo buke koji je prekoračen 1% vremena, a najkraći period mjerenja je 15 minuta
- h) L_{AmaxT} je najviši nivo buke u periodu mjerenja.

**II. NAJVIŠI NIVOI BUKE U dB (A) (decibel A-scale)
I MJERE ZAŠTITE**

Član 4.

(Nivoi buke)

- (1)Izvori buke ne smiju izazvati buku koja prelazi nivoje utvrđene ovim zakonom.
- (2)Najviše dozvoljeni nivoi buke, u smislu ovog zakona, utvrđeni su u tabelama 1. 2. i 3., a korekcija nivoa izmjerene buke u tabeli 4.

Član 5.

(Mjere zaštite od buke)

Zaštita od buke ostvaruje se:

- a) sprečavanjem nastajanja buke,
- b) kontrolom namjene prostora i prostornim rasporedom stvarnih i potencijalnih izvora buke u odnosu na prostore osjetljive na buku,
- c) smanjenjem broja izvora buke,
- d) boljom zvučnom izolacijom,
- e) praćenjem i kontrolom nivoa buke,

- f) zabranom rada za sve namjene, odnosno izvore buke, koji izazivaju buku iznad graničnih nivoa,
- g) otklanjanjem i smanjivanjem buke na dopušteni nivo,
- h) ograničavanjem rada izvora buke tokom noći.

Član 6.
(Obezbjedivanje zaštite od buke)

Zaštitu od buke obezbjeđuju općine i Kanton, te Privredna društva, pravna i fizička lica (u daljem tekstu: lica).

Član 7.
(Vrijeme provođenja mjera zaštite od buke)

- (1) Zaštita od buke provodi se danonoćno.
- (2) U smislu ovog zakona u zimskom periodu dan traje od 06 do 22 sata, a noć od 22 do 06 sati a u ljetnom periodu od 07 do 23 sata dan i od 23 do 07 sati noć.

Član 8.
(Karte buke)

- (1) Kantonalni i općinski organi uprave, nadležni za poslove prostornog planiranja, u okviru svoje nadležnosti, osiguravaju izradu karte buke za utvrđivanje i praćenje nivoa buke. Karte buke će se izraditi u roku od godinu dana od dana stupanja na snagu ovog zakona.
- (2) Karta buke, u smislu ovog zakona, je grafički prikaz postojećih i planiranih nivoa buke i sastavni je dio planova prostornog uređenja.

Član 9.
(Grafički prikaz buke)

- (1) U prostornom planu, urbanističkom planu i po potrebi provedbenom planu određuju se predviđeni nivoi buke na kartama odgovarajuće razmjere.
- (2) Predviđeni nivoi buke ne smiju preći najviše dopušteni nivo buke utvrđen ovim zakonom, a u skladu sa planiranim sadržajima i funkcijama u prostoru.

Član 10.
(Primjena mjera zaštite od buke u postupku izdavanja dozvola)

- (1) Za pogone i postrojenja za koje je propisana obaveza procjene uticaja na okoliš i za pogone i postrojenja koji mogu biti izgrađeni i pušteni u rad samo ako imaju okolinsku dozvolu, mjere zaštite od buke obuhvaćene su u studiji uticaja na okoliš, odnosno okolinskoj dozvoli u skladu sa tabelom 2, odnosno tabelom 1.
- (2) Dozvoljeni nivoi buke na radnom mjestu u industriji,

zanatstvu, raznim pogonima i drugo kojoj su izloženi radnici, reguliše se propisima o radu.

Član 11.

- (1) Za pogone i postrojenja za koje nije potrebno pribavljanje okolinske dozvole, nadležni organ će kod izdavanja urbanističke saglasnosti propisati uslove zaštite od buke u skladu sa propisima o građenju i ovim zakonom.
- (2) Organ uprave nadležan za davanje upotrebne dozvole ne može izdati upotrebnu dozvolu ako nisu ispunjeni uslovi zaštite od buke.
- (3) Organ uprave nadležan za izdavanje odobrenje za obavljanje proizvodnih, zanatskih, ugostiteljskih i uslužnih djelatnosti u stambeno-poslovnim zgradama mora naložiti investitoru da u toku poslovanja, u cilju kontrole instalirane opreme i uređaja, u roku maksimalno 90 dana, pribavi stručno mišljenje pravnog lica ovlaštenog za mjerenje buke.

Član 12.
(Buka sa gradilišta)

- (1) Privredna društva i druga pravna lica i građani koji otvaraju gradilište, dužni su u planu uređenja gradilišta predvidjeti i primijeniti mjere za sprečavanje širenja buke sa gradilišta iznad dopuštenog nivoa. Dopušteni nivo na gradilištu u periodu od 08 do 18 sati je 65dB(A).
- (2) Izuzetno, u određenim slučajevima, kada nije moguće primijeniti mjere za sprečavanje širenja buke sa gradilišta iznad dopuštenih granica, privredna društva i druga pravna lica i građani dužni su u planu o uređenju gradilišta predvidjeti mjere kojima se zaštićuju radnici i građani i odrediti vrijeme izvođenja radova, uz prethodno mišljenje organa uprave nadležnog za izdavanje odobrenja za građenje.

Član 13.
(Preispitivanje odobrenja za obavljanje djelatnosti)

- (1) Ukoliko u postupku izdavanja odobrenja za upotrebu i odobrenja za obavljanje djelatnosti nije utvrđivano ispunjavanje uslova o zaštiti od buke, na zahtjev nadležne inspekcije, organ uprave koji je izdao odobrenje je dužan, u roku od 60 dana pokrenuti obnovu postupka, utvrditi činjenice i zavisno od utvrđenog stanja donijeti novo rješenje.
- (2) Ukoliko se obavljanjem djelatnosti ili nep-rihvatljivim ponašanjem učesnika u procesu rada ili korištenja stambenih i drugih objekata, proizvodi buka iznad dozvoljenog nivoa, nadležne inspekcije su dužne preduzeti mjere propisane zakonom.

Član 14.

(Buka od saobraćaja i drugih izvora)

Zaštita od buke svih vrsta postojećeg saobraćaja uskladit će se sa nivoima buke utvrđene ovim zakonom reguliranjem prometa, vremenskim ograničenjem, zabranom korištenja bučnih prometnih sredstava, rekonstrukcijom kolovoza ili tračnica, izradom zvučnih barijera, uz zvučne izolacije prozora i fasada i dr. u roku od 10 godina od donošenja ovog zakona.

Član 15.

(Povremeni izvori buke)

Povremeni izvori buke pojavljuju se rijetko, diskontinualno i pojedinačno (servisiranje opreme, ispuštanje pare, sakupljanje i odvoz komunalnog otpada, zvučno oglašavanje zvonima i elektroakustičnim uređajima i drugo). Dopušteni nivoi buke, za povremene izvore, izvan zgrade ne smiju biti veći od 70dB(A) danju i 55dB(A) noću.

Član 16.

- (1) Kada nivo buke od saobraćaja poraste za 3 dB(A) u odnosu na prethodno utvrđeno stanje, odnosno na stanje utvrđeno kartom buke, a posljedica je promjena u regulaciji prometa ili od novih saobraćajnica, rekonstrukcija, dogradnji i drugo, osim primjene odredaba ovog zakona o najviše dozvoljenim nivoima buke, vlasnik izvora buke je obavezan obezbijediti u ugroženim objektima zvučnu izolaciju prozora, tako da nivo buke bude usaglašen sa tabelom 1. u roku od 180 dana.
- (2) Zvučnu izolaciju prozora na novom objektu, u skladu sa potrebnom zvučnom zaštitom osigurava investitor objekta, u skladu sa tabelom 1.
- (3) Zvučnu izolaciju prozora na ranije izgrađenim objektima, u slučaju kada se vanjska buka ne može smanjiti, odnosno u svim slučajevima kada prelazi propisane nivoe utvrđene u tabeli 1. osigurava vlasnik novih izvora buke.
- (4) Ukoliko je, u cilju zaštite od prekomjerne buke ili novih izvora buke, potrebno ugraditi nove ili popraviti postojeće prozore, ugradnju odnosno opravku osigurava vlasnik, odnosno korisnik izvora buke.
- (5) Kod novih objekata, izolacija prozora mora biti usklađena sa bukom okoline (bukom saobraćaja), a stacionirani izvori ne smiju u okolini prelaziti nivoe buke, propisane u tabeli 2. Vlasnik izvora buke koji nije proizvedio buku iznad dozvoljenog nivoa prije izgradnje novih objekata nije dužan snositi troškove zaštite od buke u novonastalim situacijama.
- (6) Nivo buke stacioniranih izvora mora biti niži od dozvoljenih nivoa utvrđenih u tabeli 2. mjereno na

udaljenosti od 5 metara od izvora, odnosno u skladu sa tabelom 1. u prostoru koji je ugrožen bukom tog izvora.

Član 17.

(Buka od akustičnih uređaja u zatvorenom prostoru)

- (1) Korištenje akustičnih uređaja u zatvorenim prostorima dozvoljeno je pod uslovima da nivo buke ne prelazi Leq 80 dB(A).
- (2) Izuzetno, u diskotekama, nivo buke od korištenja akustičnih uređaja smije preći Leq 90 dB(A) u trajanju max 4 sata dnevno.
- (3) Ukoliko je nivo zvuka u ugroženim prostorima iznad dopuštenih nivoa, utvrđenih u tabeli 1. korisnik izvora zvuka dužan je, na uređaj za pojačanje zvuka, ugraditi elektronski regulator (ograničivač nivoa zvuka) koji se zapečati i kojim se regulira jačina zvuka do nivoa dozvoljenog ovim zakonom, u svim slučajevima kada nivoi buke ometaju okolne korisnike.
- (4) Izuzetno, akustični uređaji u ugostiteljskim objektima koji se nalaze u stambeno-poslovnim zgradama kolektivnog stanovanja, mogu se koristiti samo ako imaju elektronski regulator (ograničivač nivoa zvuka), reguliran tako da nivo buke bude usklađen sa tabelom 1., a po potrebi i nižom od Leq 80 dB(A) što se utvrđuje stručnim mišljenjem pravnog lica ovlaštenog za mjerenje buke.

Član 18.

(Buka od akustičnih uređaja u otvorenom prostoru)

- (1) Korištenje akustičnih uređaja (za emitovanje muzike i govora) na otvorenom prostoru dozvoljeno je ako nivo buke ne prelazi nivoe propisane u tabelama 1. i 2. i ako imaju ugrađen ograničivač nivoa reprodukcije zvuka.
- (2) Radi zadovoljavanja potreba za održavanjem javnih skupova i organizovanja razonode, zabavnih i sportskih priredbi i drugih aktivnosti na otvorenom prostoru za stanovništvo i goste, kada postoji mogućnost prekoračenja dozvoljenih nivoa buke, nadležna općina će svojom odlukom odrediti ulice, dijelove ulica i naselja, trgove i druge lokacije namijenjene u tu svrhu.
- (3) Buka koja nastaje iz stava (2) ovog člana ne smije u drugim ulicama ili dijelovima ulica, u ostalim dijelovima istog naselja i drugim naseljima prelaziti dopuštene granice propisane tabelom 1. i 2.

Član 19.**(Prekoračenje propisanog nivoa buke)**

Prekoračenje najvišeg propisanog nivoa buke dozvoljeno je samo u slučaju otklanjanja posljedica elementarnih nepogoda i stanja koja bi mogla izazvati veće materijalne štete ili ugrožavaju zdravlje ljudi i njihove okoline, te u slučajevima iz člana 12. stav 2. ovoga zakona.

Član 20.**(Zabrana obavljanja radova i djelatnosti)**

- (1) Zabranjeno je obavljati radove, odnosno djelatnosti koje zbog buke, uključujući i emitovanje muzike, ometaju noćni mir i odmor u naseljenim mjestima, u vremenu od 22 do 06 sati u zimskom periodu i od 23 do 07 sati idućeg dana u ljetnom periodu.
- (2) Zabrana iz stava (1) ovog člana ne odnosi se na obavljanje radova za uklanjanje posljedica elementarnih nepogoda i stanja koja bi mogla izazvati veće materijalne štete, ili ugroziti zdravlje ljudi i njihove okoline.

III. MJERENJE BUKE**Član 21.****(Ovlaštenje za mjerenje buke)**

- (1) Mjerenje buke obavlja pravno lice koje ovlasti Vlada Zeničko-dobojskog kantona i koje je registrirano za obavljanje te djelatnosti, a ima u stalnom radnom odnosu stručno lice za mjerenje buke i opremu koja odgovara preporukama IEC 651 i 804 Type 1., i EN 60804 mjerač zvuka sa integriranjem i usrednjavanjem.

Član 22.**(Mjerenje buke na otvorenom prostoru)**

- (1) Mjerenje nivoa buke na otvorenom prostoru vrši se tako da se mikrofonski postaviti 1,2 m do 2 m iznad tla.
- (2) Kod posebnih mjernih zadaća ili posebnih uslova na terenu (npr. zasjenjenje zidom, nagib terena, veliko prigušenje na tlu i sl.), mikrofonski se može postaviti na visinu od 4 m iznad tla.
- (3) Kod mjerenja buke u blizini zgrade, mikrofonski se postavlja na udaljenost najmanje 3 m.
- (4) Kod mjerenja buke na fasadi zgrade, mikrofonski se postavlja 0,5 m izvan zgrade, približno na sredini otvorenog prozora.

Član 23.**(Mjerenje buke u zatvorenom prostoru)**

- (1) Mjerenje nivoa buke u prostorijama vrši se tako da mjerna tačka bude udaljena 1m od zidova ili drugih

reflektirajućih površina, a mikrofonski se postavlja na visinu 1,2m do 1,5m iznad poda.

- (2) Kod mjerenja buke u prostorijama sa zatvorenim prozorima i vratima mikrofonski se postavlja, po mogućnostima, u sredinu prostorije.
- (3) Mjerenje strukturnog zvuka (izvor u zgradi) ili kod vanjske niskofrekvencijske buke, vrši se pri zatvorenim prozorima, u sredini prostorije.

Član 24.**(Vrednovanje nivoa buke)**

- (1) Karakteristična veličina koja se mjeri i na osnovu koje se vrši ocjena prema odredbama ovog zakona je ekvivalentni nivo buke u dB (A) ($L_{Aeq,T}$) i nivo buke L koji se pojavljuje 1% vremena mjerenja u dB(A).
- (2) Mjerenje i vrednovanje nivoa buke se vrši prema međunarodnim standardima ISO 1996/1, 1996/2 i 1996/3, BAS ISO 9612 i BAS EN 60804.

Član 25.

Zvučne izolacije razdjelnih zidova i stropova, kao i konstrukcija od zvuka udara propisane su standardom JUS. U.J6.201, a mjere se prema:

- a) JUS.U.J6.043 terenska mjerenja izolacija od zračne buke,
- b) JUS.U.J6.049 terenska mjerenja izolacije međuspratnih konstrukcija od zvuka udara.

IV. NADZOR**Član 26.****(Nadzor nad primjenom Zakona)**

- (1) Upravni nadzor nad primjenom ovog zakona vrši Ministarstvo za prostorno uređenje, promet i komunikacije i zaštitu okoline Zeničko-dobojskog kantona.
- (2) Inspekcijski nadzor nad primjenom ovog zakona vrše, u okviru svojih nadležnosti, nadležne kantonalne inspekcije Kantonalne uprave za inspekcijske poslove i općinska komunalna inspekcija.
- (3) Nadzor nad primjenom odredbi ovog zakona koje se odnose na buku u periodu od 22 do 06 sati i 23 do 07 sati, kojom se krši javni red i mir, vrše nadležne policijske uprave Ministarstva unutrašnjih poslova Zeničko-dobojskog kantona.

Član 27.**(Inspekcijski nadzor)**

- (1) Nadležne inspekcije u obavljanju nadzora, ovlaštene

su:

- a) narediti akustička mjerenja kod pravnih i fizičkih lica koja koriste izvore buke u sredini u kojoj ljudi rade i borave,
 - b) narediti preduzimanje propisanih mjera za zaštitu od buke,
 - c) zabraniti upotrebu izgrađene, odnosno rekonstruisane građevine ako nisu provedene mjere za zaštitu od buke, dok se te mjere ne provedu,
 - d) zabraniti upotrebu izvora buke dok se ne preduzmu mjere zaštite od buke,
 - e) zabraniti obavljanje djelatnosti i ostalih aktivnosti koje zbog buke ometaju odmor i noćni mir ako to nije moguće postići mjerom iz tačke d. ovog člana,
 - f) zabraniti obavljanje djelatnosti, odnosno drugih aktivnosti ako su ista započeta bez rješenja nadležnog organa kojim se utvrđuje da su provedene mjere za zaštitu od buke.
- (2) Žalba protiv rješenja inspektora podnosi se Ministarstvu.

V. KAZNENE ODREDBE

Član 28. (Prekršaji)

Novčanom kaznom od 500 do 3.000 KM kazniće se za prekršaj odgovorno lice u organu uprave:

- a) ako ne osigura kartu buke u skladu sa čl. 8. ovog zakona;
- b) ako u urbanističkom i provedbenim planovima ne predvidi nivoe buke (član 9).
- c) ako u okolinskoj dozvoli ne predvidi mjere zaštite od buke koje su predviđene u studiji uticaja na okoliš (član 10.).
- d) ako izda odobrenje za obavljanje djelatnosti protivno članu 11. ovog zakona;
- e) ako izda odobrenje za upotrebu objekta bez ispunjenih uslova zaštite od buke propisanih članom 11. ovog zakona.
- f) ako u roku od 60 dana ne pokrene obnovu postupka u skladu sa članom 13. ovog zakona
- g) ako ne postupi u skladu sa članom 18. ovog zakona.

Član 29.

- (1) Novčanom kaznom od 2.000 do 10.000 KM kazniće se za prekršaj pravno lice ako:
- ne predvidi i primjeni mjere sprječavanja širenja buke sa gradilišta (član 12.)
 - dopušteni nivoi buke za privremene izvore budu iznad propisanih vrijednosti (član 15.)
 - ne primjeni mjere izolacije i zvučne zaštite (član 16.)

- ne ugradi elektronski regulator i ako duže koristi akustične uređaje (član 17.)
- ometa noćni mir i odmor (član 20.)

(2) Za prekršaj iz stava (1) ovog člana, kazniće se i odgovorno lice u pravnom licu novčanom kaznom od 500 do 3.000 KM.

(3) Za prekršaj iz stava (1) ovog člana, kazniće se fizičko lice novčanom kaznom od 100 do 500 KM, izuzev za prekršaj iz člana 17. ovog zakona za koji se propisuje novčana kazna u iznosu od 500 do 1.000 KM.

VI. PRELAZNE I ZAVRŠNE ODREDBE

Član 30.

(Tabele o dopuštenim nivoima buke - imisija)

Sastavni dio ovog zakona čine:

Tabela 1. - Dozvoljeni nivoi buke od vanjskih izvora u prostorijama prema namjeni.

Tabela 2. - Dozvoljeni nivoi vanjske buke za planiranje novih objekata ili izvora buke.

Tabela 3. - Buka u radnim prostorima od vanjskih izvora.

Tabela 4. - Korekcija nivoa izmjerene buke prije uporedbe sa dozvoljenim nivoima u Tabelama 1., 2. i 3.

Član 31.

(Stupanje na snagu Zakona)

Ovaj zakon stupa na snagu osmog dana od dana objavljivanja u "Službenim novinama Zeničko-dobojskog kantona".

Broj: 01-02-2724/08

Datum, 23.01.2008. godine

Zenica

PREDSJEDAVALA

Sejad Zaimović, s.r.

.....

Tabela 1. - Dozvoljeni nivoi buke od vanjskih izvora u prostorijama prema namjeni

Redni broj	NAMJENA PROSTORIJE	Najviši dozvoljeni nivo		
		<u>15 min Leq</u> (dBA)		L1
		danju	noću	(dBA)
A	Bolnice, klinike, domovi zdravlja			
A1	Bolesničke sobe	35	30	45
A2	Ordinacije	40	40	55
A3	Operacioni blok bez medicinskih uređaja i opreme	35	35	50
B	Hoteli, moteli, domovi, samački hoteli i sl.			
B1	Hotelske sobe A kategorije i viših kategorija			
	Od izvora buke u zgradi i stacionarnih izvora izvan zgrade	35	30	45
	Od nestacionarnih izvora buke izvan zgrade	40	35	50
B2	Hotelske sobe B kategorije i nižih kategorija			
	Od izvora buke u zgradi i stacionarnih izvora izvan zgrade	40	35	50
	Od nestacionarnih izvora buke izvan zgrade	45	40	55
B3	Spavaonice u domovima			
	Od izvora buke u zgradi i stacionarnih izvora izvan zgrade	40	35	55
	Od nestacionarnih izvora buke izvan zgrade	45	35	55
B4	Sobe u samačkim hotelima			
	Od izvora buke u zgradi i stacionarnih izvora izvan zgrade	40	35	50
	Od nestacionarnih izvora buke izvan zgrade	45	40	55

C	Škole, fakulteti, biblioteke i sl.			
C1	Amfiteatri i učionice	40	40	50
C2	Kabineti na fakultetima	35	35	50
C3	Kabineti u školama	40	40	50
C4	Čitaonice, biblioteke	40	40	
D	Dvorane			
D1	Bioskopske dvorane	40	40	45
D2	Pozorišta	30	30	35
D3	Koncertne dvorane	30	30	35
E	Ustanove za predškolsku djecu i sl.			
E1	Sobe za odmor djece			
	Od izvora buke u zgradi i stacionarnih izvora izvan zgrade	40	35	50
	Od nestacionarnih izvora buke izvan zgrade	45	35	50
E2	Sobe za rad sa djecom	45	45	50
F	Stambeni objekti			
F1	Spavaće sobe i dnevni boravci			
	Od izvora buke u zgradi i stacionarnih izvora izvan zgrade	40	30	45
	Od nestacionarnih izvora buke izvan zgrade	45	35	50

Tabela 2. - Dozvoljeni nivoi vanjske buke za planiranje novih objekata ili izvora buke

Područje (zona)	NAMJENA PODRUČJA	Najviši dozvoljeni nivoi (dBA)		
		Ekvivalentni nivoi Leq		Vršni nivo
		dan	noć	L1
I	Bolničko-lječilišno	45	40	60
II	Turističko, rekreacijsko, oporavilišno	50	40	65
III	Čisto stambeno, vaspitno-obrazovne i zdravstvene institucije, javne zelene i rekreacione površine	55	45	70
IV	Trgovačko, poslovno, stambeno i stambeno uz saobraćajne koridore, skladišta bez teškog transporta	60	50	75
V	Poslovno, upravno, trgovačko zanatsko, servisno (komunalni servis)	65	60	80
VI	Kombinovano – industrijsko, skladišno, servisno i saobraćajno područje u naseljenom mjestu	65	55	80
VII	Industrijsko, skladišno, servisno i saobraćajno područje bez stanova	70	70	85

Napomena:

Vršni nivoi L1 su oni nivoi buke, koji su prekoračeni u trajanju od 1% ukupnog vremena mjerenja, odnosno perioda dan ili noć.

Tabela 3. - Buka u radnim prostorima od vanjskih izvora

Redni broj	VRSTA DJELATNOSTI	Dopušteni nivoi buke Leg u dBA
1.	Rad pretežno mentalnog karaktera koji zahtijeva koncentraciju, ili rutinski rad	55
2.	Mentalni rad usmjeren na kontrolu rada skupine ljudi Rad koji zahtijeva koncentraciju ili neposredno govorno ili telefonsko komuniciranje	50
3.	Mentalni rad usmjeren na kontrolu rada skupine ljudi koja obavlja pretežno mentalni rad. Rad koji zahtijeva koncentraciju, neposredno govorno i telefonsko komuniciranje Rad isključivo vezan za razgovore preko komunikacijskih sredstava (telefon i dr.)	45
4.	Mentalni rad koji zahtijeva veliku koncentraciju, isključivanje iz okoliša, preciznu psihomotoriku ili komuniciranje sa skupinom ljudi	40
5.	Mentalni rad kao izrada koncepcija, rad vezan za veliku odgovornost, komuniciranje radi dogovora sa skupinom ljudi	35

Tabela 4. - Korekcija nivoa izmjerene buke prije uporedbe sa dozvoljenim nivoima u tabelama 1., 2. i 3.

Uticajni faktori	Korekcija za Leg (dBA)	Korekcija za L1 (dBA)
Buka avio	- 5	- 10
Buka željeznice	- 5	- 10
Impulsna buka	+ 5	+ 5
Istaknuti tonovi	+ 5	+ 5

29.

Na osnovu člana 37. stav 1. tačka f. Ustava Zeničko-dobojskog kantona, Skupština Zeničko-dobojskog kantona na 14. sjednici, održanoj dana 23.01.2008. godine, donosi

Z A K O N
o upravljanju i održavanju stambenih i
stambeno-poslovnih zgrada

I. OPĆE ODREDBE**Član 1.**

Ovim zakonom uređuje se održavanje i upravljanje stambenom i stambeno-poslovnom zgradom (u daljem tekstu: zgradom) na principima ekonomske samoodrživosti zgrade kao posebne društvene i sociološke zajednice sa pripadajućom građevinom, njenim dijelovima i zemljištem.

Član 2.

Održavanje i upravljanje zgradama je od javnog interesa.

Etažni vlasnici (u daljem tekstu: vlasnici) imaju prava i obaveze upravljanja i održavanja zgrade.

Pojašnjenje izraza u ovom zakonu**Član 3.**

Stambenom zgradom, u smislu ovog zakona, smatra se namjenski projektovana i izvedena građevina namijenjena isključivo stanovanju većeg broja obitelji i zadovoljenju njihovih individualnih i kolektivnih stambenih potreba.

Stambeno-poslovnom zgradom, u smislu ovog zakona smatra se namjenski projektovana, izvedena ili adaptirana građevina u kojoj se osim stanovanja može obavljati određena privredna (uslužna) djelatnost.

Posebnim dijelovima zgrade, u smislu ovog zakona, smatraju se stanovi, poslovne prostorije i drugi prostori koji se koriste za posebne namjene (trafostanice u zgradi, toplinske podstanice u zgradi i slično).

Stanom, u smislu ovog zakona, smatra se skup prostorija sa zasebnim ulazom koje čine funkcionalnu cjelinu namijenjenu stanovanju, zajedno sa pomoćnim prostorijama koje pripadaju stanu i na kojima postoji pravo vlasništva.

Poslovnim prostorom, u smislu ovog zakona, smatra se jedna ili više prostorija koje čine građevinsku i funkcionalnu cjelinu namijenjenu obavljanju jedne poslovne djelatnosti, a ima/imaju poseban ulaz.

Poslovnim prostorom smatraju se i oni prostori koji su adaptacijom od stanova, zajedničkih, pomoćnih i garažnih

prostora prilagođeni obavljanju određene djelatnosti, uz uvjet da je adaptaciju i druge intervencije (dogradnju, rekonstrukciju, promjenu namjene i dr.) odobrila nadležna općinska služba.

Garažom, u smislu ovog zakona, smatra se namjenska prostorija za smještaj automobila koja sa građevinom čini cjelinu i ima zaseban ulaz.

Vlasnikom, u smislu ovog zakona, smatraju se lica koja su vlasništvo na posebnim dijelovima zgrade stekla do donošenja ovog zakona i lica koja su pravo vlasništva na dijelovima zgrade stekla po odredbama Zakona o prodaji stanova na kojima postoji stanarsko pravo („Službene novine F BiH“, broj: 27/97, 11/98, 22/99, 27/99, 7/00, 32/01, 15/02, 54/04 i 36/06), kao i pravna lica čiji stanovi i poslovni prostori, prema odredbama tog zakona nisu bili predmet otkupa ili nisu otkupljeni.

Korisnikom, u smislu ovog zakona, smatraju se: prijašnji nosioci stanarskog prava koji do momenta stupanja na snagu ovog zakona nisu riješili pitanje vlasništva, podstanari i zakupci stanova ili poslovnih prostora.

Član 4.

Zajedničkim dijelovima zgrade, u smislu ovog zakona, smatraju se:

1. Konstrukcija zgrade:

- temelji,
- nosivi zidovi i stupovi,
- međuspratna konstrukcija,
- krovna konstrukcija, krovni pokrivač, kosi i ravni krovovi,
- hidro i termo izolacije,
- krovna i ostala limarija (slivne vertikale, oluci, opšavi i drugo),
- dimnjaci, ventilacioni kanali,
- prohodne i neprohodne zajedničke terese sa ogradom,
- fasade,
- zajednička stubišta, požarni prilazi, ograde i slično,

2. Uređaji u zgradi:

- liftovi i pokretne platforme sa svim instalacijama
- uređaji za snadbjevanje vodom (pumpe, hidrofor i hidrofleksi) sa pratećim instalacijama,
- hidranti sa instalacijama i ventilima, protivpožarni aparati,
- sanitarni uređaji u zajedničkim prostorijama
- uređaji za zagrijavanje u zajedničkim prostorijama,
- poštanski sandučići

3. Instalacije zgrade:

- električne instalacije od glavnih osigurača do pomoćne razvodne table u stanu,
- električne instalacije stubišne rasvijete (automati,

- sijalična mjesta i armature, razvodna ploča brojila i uklopni sat),
- vodovodne instalacije od glavnog vodomjera potrošača kao i sve instalacije u zidu i odvodi u podu, te sanacije poslije intervencija, sanitarni uređaji, instalacije vodovoda i kanalizacije u zajedničkim prostorijama,
- zajednička instalacija centralnog grijanja od toplotne podstanice (ako je toplotna podstanica smještena unutar zgrade) ili priključnog šahta zgrade (ako toplotna podstanica nije smještena unutar zgrade) do priključka potrošača na vertikale, uključujući instalacije za otvorenu ekspanziju i centralno ozračavanje,
- telefonske instalacije do razvoda za posebne dijelove zgrade,
- instalacije električnih brava, interfona pozivnih tastatura, zvana, televizijskih antena,
- instalacije gromobrana,

4. Prostorije zgrade:

- ulaz u zgradu, sa ili bez vjetrobrana,
- stubišni prostori sa ogradom,
- hodnici i galerije,
- podrumski prostor sa izuzetkom pomoćnih prostorija (ostava) koje pripadaju stanu,
- potkrovlja i tavani,
- prohodne i neprohodne terase,
- zajednička spremišta,
- smetljarnici i druge prostorije za skupljanje otpadaka,
- zajedničke društvene prostorije.

5. Pod zajedničkim dijelovima zgrade koji služi samo nekim, a ne svim posebnim dijelovima zgrade smatraju se:

- posebna ulazna vrata,
- stepeništa,
- dimnjaci,
- liftovi i drugi uređaji,
- tavanačke i podrumske prostorije,
- terase, pregradni zidovi između dva stana ili prostorije i slično,
- i drugi dijelovi i uređaji koji služe samo nekim posebnim dijelovima zgrade.

II. MEĐUSOBNI ODNOSI VLASNIKA

Član 5.

Međusobni odnosi vlasnika u korištenju i upravljanju zajedničkih dijelova i uređaja zgrade u pogledu njihovog održavanja uređuju se međuvlasničkim ugovorom tih vlasnika u skladu sa odredbama ovog zakona i drugim propisima.

Ugovor iz stava 1. ovog člana naročito sadrži:

- ugovorne strane;

- ulicu i broj zgrade u kojoj se nalaze posebni dijelovi i podatke o njima;
- način upravljanja i odlučivanja;
- popis zajedničkih dijelova i uređaja zgrade;
- način prikupljanja, raspodjele i upotrebe sredstava namijenjenih za održavanje zgrade;
- ovlaštene osobe za zastupanje etažnih vlasnika i druga pitanja bitna za korištenje, upravljanje i održavanje zajedničkih dijelova i uređaja zgrade;

Međuvlasnički ugovor zaključuje se u pisanom obliku. Ugovor koji nije zaključen u pisanom obliku nema pravno dejstvo.

Član 6.

Ugovor iz člana 5. ovog zakona kojeg je potpisalo više od 51% vlasnika, obavezuje i one vlasnike koji su ga odbili potpisati, kao i vlasnike koji su pravo vlasništva stekli nakon sklapanja tog ugovora.

Ako vlasnici ne zaključe ugovor iz stava 1. ovog člana, na zahtjev jednog ili više vlasnika stanova, čiji vlasnički dio prelazi 51% ukupne površine zgrade, njihove međusobne odnose uredit će nadležni sud.

Član 7.

Međuvlasnički ugovor može se mijenjati uz pristanak vlasnika čijih se prava izmjena tiče.

Sud će na zahtjev jednog ili više vlasnika odrediti da li će se izvršiti promjene u ugovoru i protiv volje drugih vlasnika, ako nađe da su promjene neophodne.

Član 8.

Pod pravom korištenja zajedničkih dijelova i uređaja zgrade, te zemljišta koje služi za redovnu upotrebu zgrade od strane vlasnika, smatra se nesmetano korištenje tih dijelova bez povređivanja prava drugih vlasnika.

Član 9.

Vlasnik i korisnici koji nemarom ili neodržavanjem stana, poslovnog prostora, odnosno dijela zgrade uzrokuje štetu na zajedničkim i posebnim dijelovima i uređajima zgrade, dužan je istu nadoknaditi ili popraviti.

Ukoliko ne pristaje na naknadu ili popravku, vlasnik i korisnik odgovara po općim propisima o naknadi štete.

III. ODRŽAVANJE ZGRADE

Član 10.

Svi dijelovi i uređaji zgrade moraju se redovno održavati,

tako da se obezbijedi stalna ispravnost, upotrebljivost i sigurnost svih osnovnih dijelova, uređaja, instalacija, opreme i zgrade kao cjeline, koji služe svim vlasnicima i korisnicima zgrade.

Održavanje zgrade obuhvata:

1. Održavanje stanova i poslovnih prostora
2. Održavanje zajedničkih dijelova zgrade

Održavanje stanova i poslovnih prostora

Član 11.

Stanove i poslovne prostore održavaju: vlasnici i korisnici.

O tekućem održavanju stana ili poslovnog prostora, te o finansiranju tekućeg održavanja samostalno odlučuju lica iz stava 1. ovog člana prema odredbama ovog zakona.

Član 12.

Investiciono održavanje stanova i poslovnih prostora vrši se na način i pod uvjetima propisanim ovim zakonom.

Investiciono održavanje obuhvata popravke i zamjenu:

- instalacija centralnog grijanja u stanu ili poslovnom prostoru do priključka na vertikale,
- elektro i telefonskih instalacija u stanu ili poslovnom prostoru,
- instalacija vodovoda i kanalizacije u stanu ili poslovnom prostoru,
- drugih radova koji su od uticaja na korištenje ostalih prostorija u zgradi.

Prije početka, kao i nakon završetka radova na zamjeni instalacija iz stava 2. ovog člana, vlasnik, odnosno korisnik stana ili poslovnog prostora obavezno obavještava pravno lice ili obrtnika koji održava zajedničke dijelove i uređaje zgrade.

Održavanje zajedničkih dijelova zgrade

Član 13.

Održavanje zajedničkih dijelova zgrade finansiraju vlasnici i raniji nosioci stanarskog prava koji do momenta stupanja na snagu ovog zakona nisu otkupili stan.

Izuzetno od stava 1. ovog člana obavezu finansiranja mogu preuzeti zakupci ako ugovorom o zakupu preuzmu obavezu od vlasnika.

Član 14.

Održavanje zajedničkih dijelova i uređaja zgrade obuhvata:

- investiciono održavanje,
- tekuće održavanje,
- hitne popravke zajedničkih dijelova i uređaja zgrade.

Investiciono održavanje zajedničkih dijelova zgrade

Član 15.

Investicionim odražavanjem zajedničkih dijelova zgrade smatraju se sve veće opravke i slijedeći radovi:

- zamjena krovne konstrukcije i drugih konstruktivnih dijelova zgrade,
- zamjena krovnog pokrivača i drugih elemenata krova,
- prezidiivanje dimnjaka,
- zamjena vertikalne i horizontalne hidroizolacije radi zaštite zgrade i stana od vode i vlage,
- zamjena oluka, olučnih cijevi, limenih opšava i drugih elemenata za odvod vode sa krova zgrade,
- zamjena hidrofleksnih postrojenja,
- zamjena kanalizacione mreže do priključka na kanalizaciju zgrade,
- zamjena telefonskih i elektro-instalacija u zgradi do priključnog ormara, odnosno razvodne table,
- zamjena razvodne table sa električnim brojilima i osiguračima u zgradi i priključnog PTT ormara sa instalacijom,
- opravka i zamjena ventilacionih cijevi i njihovih glava na krovu zgrade,
- ispitivanje i zamjena instalacije gromobrana, satelitskih antena, antenskih uređaja i njihovih dijelova u zgradi,
- zamjena dotrajalih požarnih hidranata i opreme u zgradi,
- zamjena podova, zidova i stropova u zajedničkim dijelovima zgrade u skladu sa važećim standardima za toplotnu zaštitu zgrade,
- zamjena spoljne stolarije zgrade, kao i spoljnih dijelova i elemenata zgrade u skladu sa važećim standardima za toplotnu zaštitu zgrade,
- bojenje i premazivanje zaštitnim sredstvom spoljne stolarije i metalnih dijelova zgrade,
- zamjena stepeništa u zgradi,
- zamjena oštećenih fasadnih obloga u skladu sa važećim standardima za toplotnu zaštitu zgrade i elemenata fasade sa prioritetom zaštite od prodora vode i vlage,
- zamjena slivnika, šahtova, odvodnih kanala i septičkih jama koje pripadaju zgradi,
- zamjena kanala za smeće u zgradi,
- zamjena vodovodne mreže zgrade od vodomjera do priključka na izlivno mjesto u stanu i zajedničke prostorije,
- zamjena kanalizacione mreže od priključka na uličnu kanalizaciju do priključka na sanitarne uređaje (sifon, umivaonik, sudoper, klozetska šolja i dr.) u zgradi i

stanu,

- zamjena telefonskih i elektro-instalacija u zgradi od priključnog ormara, odnosno razvodne table do priključnog mjesta u stanu,
- zamjena instalacije centralnog grijanja zgrade od toplotne podstanice (ako je toplotna podstanica smještena unutar zgrade) ili priključnog šahta zgrade (ako toplotna podstanica nije smještena unutar zgrade) do priključka potrošača na vertikale, uključujući instalacije za otvorenu ekspanziju i centralno ozračavanje sa punjenjem, pražnjenjem i ozračavanje toplotne mreže.

Tekuće održavanje zajedničkih dijelova zgrade

Član 16.

Pod tekućim održavanjem i poboljšanjem zajedničkih dijelova i uređaja zgrade podrazumijeva se:

1. Radovi na vanjskim dijelovima zgrade:

- manje popravke krova, pojedinačna zamjena pokrova i izolacije, čišćenje i lomljenje oluka i drugih zaštitnih dijelova na krovu zgrade,
- održavanje i čišćenje dimnjaka,
- čišćenje i uklanjanje snijega i leda s krova i vijenca.

2. Radovi u zajedničkim prostorijama stambene zgrade:

- manje opravke unutrašnje i spoljne stolarije,
- opravka i zamjena brava i okova na vratima, prozorima i drugim otvorima,
- održavanje i zamjena tabli sa pozivnim testerima,
- zamjena stakla i kita na prozorima, vratima i drugim zastakljenim površinama,
- održavanje i opravka svih vrsta stepenica van stana,
- servisiranje, opravke i remont liftova sa pripadajućim dijelovima, instalacijama i uređajima i usklađivanje sa tehničkim propisima,
- krećenje i molovanje zajedničkih prostorija, bojenje unutrašnje stolarije, pojedinačna zamjena keramičkih pločica i drugih obloga,
- bojenje cijevne mreže grijanja i drugih uređaja za zagrijavanje,
- održavanje i opravka svih vrsta podova,
- odgušivanje odvodnih kanala, cijevi, slivnika, sifona i slično.
- redovno održavanje i zamjena; prekidača, osigurača, električnih zvona, tastera, pojačala, plafonjerki, sijaličnih grla i dr.
- opravka i zamjena automata za stubišnu rasvjetu,
- postavljanje oglasnih tabli u stubištu zgrade,
- održavanje sandučića za poštu,
- dezinfekcija, dezinfekcija i deratizacija podrumskih i drugih zajedničkih prostorija u zgradi.

Hitni popravci zajedničkih dijelova zgrade

Član 17.

Hitnim popravcima zajedničkih dijelova i uređaja zgrade smatra se preduzimanje radova naročito u slučaju:

- kvarova na sistemu centralnog grijanja,
- puknuća oštećenja i začepljenosti vodovodne i kanalizacione instalacije, radi sprečavanja daljnjih štetnih posljedica,
- kvarova na električnoj instalaciji,
- znatnih oštećenja dimnjaka i dimnovodnih kanala,
- prodiranje oborinskih voda u zgradu, saniranja posljedica istog prodora, te znatnijeg oštećenja krova,
- odgušivanje kanalizacione mreže u zgradi (vertikala i šahтова),
- kvarova na liftu,
- otpadanja dijelova fasade ili krova.

Član 18.

Hitnu intervenciju iz člana 17. mora narediti nadležna općinska služba ili inspekcija kada prijete neposredna opasnost po život i zdravlje ljudi ili opasnost po sigurnost imovine.

Troškove hitne intervencije snose svi vlasnici ili korisnici u skladu sa članom 13. ovog zakona srazmjerno veličini prostora koji koriste u zgradi.

Član 19.

Izvođenje hitnih popravki, te investicionih radova, moraju se povjeriti samo specijaliziranim i za te poslove registriranim subjektima ukoliko te poslove ne može obaviti upravitelj.

IV. SUBJEKTI ZA ODRŽAVANJE ZGRADA

Član 20.

Vlasnici održavanje zgrade povjeravaju pravnom licu ili obrtniku koje je registrovano za te poslove, o čemu će zaključiti ugovor o održavanju zajedničkih dijelova i uređaja zgrade.

Ugovor iz stava 1. ovog člana zaključuje se u pisanom obliku i naročito sadrži:

- ugovorne strane,
- prava i obaveze ugovornih strana,
- način određivanja visine sredstava utvrđenih godišnjim programom za pokriće troškova održavanja i načina prikupljanja i raspodjele sredstava za održavanje zajedničkih dijelova i uređaja zgrade,

- i druga pitanja bitna za održavanje zgrade.

Član 21.

Pravno lice ili obrtnik sa kojim vlasnici sklapaju ugovor o održavanju zgrade mora imati odobrenje - certifikat za održavanje zajedničkih dijelova i urađaja zgrade izdat od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona (u daljem tekstu: Ministarstvo).

Kriteriji i način izdavanja odobrenja - certifikata za održavanje zgrada iz stava 1. ovog člana bit će utvrđen posebnim pravilnikom kojeg će donijeti ministar ministarstva u roku od 30 dana od dana stupanja na snagu ovog zakona.

V. UPRAVLJANJE ZGRADOM

Član 22.

Upravljanje zgradom obuhvata:

- vođenje svih potrebnih evidencija o stanovima, vlasnicima stanova i poslovnih prostora,
- zaključivanje ugovora o održavanju i upravljanju zajedničkih dijelova stambenih zgrada sa vlasnicima stanova i poslovnih prostora,
- naplatu naknade za upravljanje i održavanje zajedničkih dijelova stambenih zgrada, uključujući i pokretanje postupka za prinudnu naplatu,
- vođenje odvojenih knjigovodstvenih evidencija i operativno - finansijsko poslovanje u funkciji upravljanja i održavanja zajedničkih dijelova stambenih zgrada za svaku stambenu zgradu – ulaz,
- osiguranje stambenih zgrada i poslovi refundacije šteta u stambenoj zgradi, osiguranje od odgovornosti, osiguranje od požara,
- izradu godišnjih planova i programa održavanja zajedničkih dijelova stambenih zgrada, te prezentacija istih vlasnicima, izrada i podnošenje izvještaja vlasnicima,
- organizacija realizacije usvojenih godišnjih planova,
- pružanje svih informacija predstavnicima vlasnika u stambenoj zgradi,
- koordinacija sa predstavnicima vlasnika u zgradi,
- ugovaranje izvođenja radova na zajedničkim dijelovima i uređajima stambene zgrade,
- nadzor nad izvođenjem radova,
- izradu godišnjih planova i programa za velike opravke, poboljšanje, zamjenu dotrajalih elemenata stambenih zgrada, kao i plana modernizacije stambene zgrade po izričitoj zahtjevu predstavnika stambene zgrade,
- izradu kalkulacija, raspisivanje licitacije, prikupljanje ponuda i odabir izvođača i nadzor na izvođenju radova.

Sve navedene poslove upravitelj će obavljati u ime i za račun etažnih vlasnika, a u skladu sa međusobnim odnosima, pravima i obavezama definisanim u ugovoru.

Upravitelj zgrade prima stambenu zgradu na upravljanje i održavanje na osnovu zapisnika o stanju stambene zgrade sačinjenog u prisustvu predstavnika: upravitelja, etažnih vlasnika i pravnog subjekta koji je ranije održavao stambenu zgradu.

Član 23.

Organ upravljanja zgrade otvara račun kod pravnog lica sa kojim zaključuje Ugovor o održavanju i upravljanju i pribavlja pečat koji može da koristi u ime zgrade, odnosno vlasnika.

Član 24.

Zgradom upravljaju vlasnici stanova i poslovnih prostora putem Skupa etažnih vlasnika zgrade (u daljem tekstu: Skup).

Skup etažnih vlasnika zgrade ima slijedeće nadležnosti:

- bira predsjednika,
- imenuje odbor vlasnika,
- donosi program tekućeg i investicionog održavanja zgrade,
- usvaja godišnji izvještaj o održavanju zgrade,
- donosi odluku o korištenju zajedničkih prostorija zgrade,
- donosi odluke o zaključivanju međusobnih ugovora vlasnika, naknadama za vršenje administrativnih poslova upravljanja zgradom, te druge odluke koje prelaze okvir redovnog upravljanja.

Član 25.

Skup zgrade bira predsjednika na period od četiri godine.

Predsjednik priprema, saziva i vodi sjednice Skupa etažnih vlasnika zgrade.

Ukoliko zgrada ima do 20 vlasnika predsjednik skupa zastupa zgradu pred službama, organima uprave i pravosuđa u poslovima upravljanja, održavanja zgrade kao i subjektima kojima je povjereno održavanje zgrade ili izvođenje radova.

Član 26.

Sjednica Skupa zgrade može se održati samo ako je prisutno više od 50% vlasnika zgrade.

Odluke se donose većinom glasova prisutnih.

Svaka etažna jedinica ima samo jedan glas.

Kod donošenja odluka koje se odnose na poduzimanje

poslova redovnog upravljanja i održavanja potrebna je saglasnost etažnih vlasnika čiji dijelovi zajedno čine više od jedne polovine površine zgrade.

Kod donošenja odluka, koje se odnose na veće investicije koje su nužne za održavanje zgrade, potrebna je saglasnost vlasnika stanova i poslovnih prostora čiji dijelovi zajedno čine više od dvije trećine površine zgrade.

Kod donošenja odluka koje prelaze okvir redovnog upravljanja (promjena namjene zajedničkog dijela zgrade, otuđenje zajedničkog dijela zgrade, izdavanje zajedničkog dijela u zakup, zasnivanje hipoteke na zajedničkom dijelu zgrade, veće investicije koje nisu nužne za održavanje zgrade i sl.) potrebna je saglasnost svih vlasnika stanova i poslovnih prostora.

Član 27.

Zgrada sa više od 20 vlasnika mora imati Odbor Skupa etažnih vlasnika zgrade (u daljem tekstu: Odbor).

Odbor broji 5 članova i bira predsjednika Obora na period od četiri godine.

Odbor donosi odluke većinom glasova prisutnih.

Član 28.

Odbor obavlja slijedeće poslove:

- bira predsjednika Odbora zgrade,
- izvršava odluke Skupa etažnih vlasnika zgrade,
- predlaže godišnji program održavanja zgrade i stara se o njegovoj realizaciji,
- podnosi finansijski izvještaj i izvještaj o realizaciji godišnjeg programa održavanja zgrade Skupu etažnih vlasnika zgrade,
- zaključuje ugovore o održavanju zgrade,
- organizuje naplatu i prijem uplata čija je svrha održavanje zgrade,
- podnosi tužbu ili prekršajnu prijavu nadležnom sudu protiv vlasnika i drugih korisnika zgrade ukoliko ne izvršavaju obaveze utvrđene ovim zakonom,
- predlaže Skupu etažnih vlasnika zgrade način korištenja zajedničkih prostorija zgrade,
- angažuje subjekte koji mogu po hitnom postupku otkloniti kvarove na uređajima i instalacijama zgrade,
- predlaže Skupu etažnih vlasnika zgrade način osiguranja zgrade od osnovnih rizika,
- vrši druge poslove neophodne za upravljanje zgradom.

Član 29.

Predsjednik Odbora zastupa zgradu pred službama, organima uprave i pravosuđa u poslovima upravljanja, održavanja zgrade kao i subjektima kojima je povjereno održavanje zgrade ili izvođenje radova.

Predsjednik može opunomoćiti stručnu osobu ili pravno lice i upravitelja koja će ga u ime i za račun zgrade zastupati uz prethodno pribavljenu odluku Odbora.

Član 30.

Ukoliko nisu potpisani međuvlasnički ugovori ili se ne mogu konstituisati organi koji upravljaju zgradom, te ukoliko poslove upravljanja ne obavljaju odgovorno i u skladu sa zakonom, općinski načelnik imenuje pravno lice ili obrtnika – upravitelja, sa liste certificiranih subjekata na period od 4 godine.

Imenovani upravitelj preuzima sve ovlasti upravljanja zgradom iz članova 22., 24., 28. i 29. ovog zakona.

VI. FINANSIRANJE ODRŽAVANJA ZGRADE

Član 31.

Svi vlasnici ili korisnici obavezni su plaćati naknadu za održavanje zajedničkih dijelova i uređaja zgrade.

Minimalni iznos naknade ne može biti manji od 0,22 KM/m² za stambeni, odnosno 0,33 KM/m² za poslovni prostor.

Naknadu iz stava 2. ovog člana vlasnici ili korisnici stana su dužni uplaćivati na depozitni račun zgrade koji će se u tu svrhu otvoriti kod upravitelja.

Ukoliko vlasnik naknadu ne uplati tri puta uzastopno, potpisnici međuvlasničkih ugovora vlasnika, odnosno njihov ovlašteni predstavnik ili imenovani subjekt iz člana 29. i upravitelj ima pravo podnijeti tužbu za naplatu naknade protiv tog vlasnika kod nadležnog suda.

Član 32.

Visinu naknade iz člana 31. ovog zakona propisuje općinsko vijeće na prijedlog nadležne općinske službe.

Visina naknade ne mora biti ista za sve dijelove naseljenog mjesta i ista se usklađuje jednom godišnje na prijedlog nadležne općinske službe.

Član 33.

Sredstva za održavanje iz člana 31. ovog zakona, upotrebljavaju se posebno za pokriće slijedećih troškova:

- investicionog održavanja i poboljšanja zajedničkih dijelova i uređaja zgrade,
- redovnog održavanja i poboljšanja zajedničkih dijelova i uređaja zgrade,
- hitnih popravaka zajedničkih dijelova i uređaja zgrade,
- osiguranje zgrade kod osiguravajućeg društva,
- zamjena postojećih i ugradnje novih zajedničkih dijelova i uređaja zgrade

- otplate zajma za finansiranje troškova održavanja i poboljšanja zajedničkih dijelova zgrade,
- protivpožarne zaštite,
- i drugih troškova među koje spadaju i troškovi utuženja vlasnika koji ne plaćaju naknadu.

Član 34.

Ako se troškovi iz člana 33. ne mogu pokriti iz redovno prikupljenih sredstava, ista će se osigurati dodatnim uplatama vlasnika.

VII. DOKUMENTACIJA ZGRADE

Član 35.

Pod dokumentacijom zgrade u smislu ovog zakona, smatra se:

- a) investiciono - tehnička dokumentacija (ovjeren glavni ili investicioni projekat zgrade i potrebne saglasnosti nadležnih općinskih službi, projekti rekonstrukcije, sanacije, adaptacije, nadogradnje, predmjeri za tekuće održavanje itd.)
- b) ostala dokumentacija (međuvlasnički ugovori, ugovori sa preduzećima koja održavaju zgradu, zapisnici sa sastanaka, odluke, punomoći i sl.)
- c) dokumentacija organizacije koja se bavi održavanjem zgrade (ugovori sa vlasnicima i izvođačima radova, matični podaci o zgradama i vlasnicima, tehnički podaci o zgradama, evidencija prihoda i troškova održavanja zgrada, evidencija popravki i sl.)

Vlasnici su dužni upravitelju ili predsjedniku Odbora dostaviti dokaz o vlasništvu (kupoprodajni ugovor ili zemljišno-knjižni izvadak ili izvadak iz knjige položenih ugovora ili pravosnažno rješenje nadležnog suda ili općine) ili druge dokaze na osnovu kojih će se evidentirati njihovo pravo vlasništva.

Vlasnici koji nisu dostavili dokaze o vlasništvu dužni su to učiniti najkasnije u roku od 60 dana od dana stupanja na snagu ovog zakona.

Vlasnici su, o svakoj promjeni vlasništva, dužni lično ili putem predsjednika, obavijestiti upravitelja u roku od 30 dana od promjene.

Član 36.

Predsjednik Skupa etažnih vlasnika zgrade i predsjednik Odbora dužni su za svog mandata čuvati jedan primjerak investiciono tehničke i ostale dokumentacije i isti u slučaju potrebe dati na uvid subjektu koji održava zgradu i vrši nadzor nad provođenjem ovog zakona.

Dokumentacija organizacije koja se bavi održavanjem

zgrade mora biti dana na uvid organima i vlasnicima zgrade na njihov pismeni zahtjev bez naknade.

VIII. NADZOR

Član 37.

Nadzor nad provođenjem ovog zakona i propisa donesenih na osnovu ovog zakona obavlja Ministarstvo, općinska služba za upravu u okviru svojih nadležnosti i predstavnik organizacije kojoj je povjereno održavanje zgrade.

Član 38.

Inspekcijски nadzor nad općim i pojedinačnim aktima, nadziranju pravnih lica ili obrtnika, te poduzimanje mjera određenih ovim zakonom provodi kantonalna i općinska inspekcijска služba, svaka iz okvira svoje nadležnosti.

IX. KAZNENE ODREDBE

Član 39.

Novčanom kaznom od 100,00 KM do 1.000,00 KM kaznit će se za prekršaj vlasnik ako:

- svojim ponašanjem nanese štetu na zajedničkim dijelovima i uređajima zgrade iz člana 4. ovog zakona,
- ne snosi troškove korištenja, upravljanja i održavanja zajedničkih dijelova zgrade, koji služe njihovim posebnim dijelovima (član 13.),
- o svom trošku ne izvrši opravku na stanu ili poslovnom prostoru, ako je to neophodno da bi se otklonila šteta za posebni dio drugog vlasnika ili za dijelove zgrade koji služe zgradi kao cjelini (član 9.),
- koristi zajedničke dijelove i uređaje zgrade na način koji povređuje pravo drugih vlasnika (član 8.),
- ne dozvoli vršenje popravaka ili drugih radova, odnosno održavanje zajedničkih dijelova i uređaja zgrade propisanim članovima 15. 16. i 17. ovog zakona osobi kojoj je povjereno održavanje zgrade iz člana 20.,
- ne obavijesti pravno lice ili obrtnika koji održava zajedničke dijelove i uređaje zgrade o radovima na zamjeni instalacija u stanu, odnosno poslovnom prostoru (član 12.),
- ne dostavi dokaze o vlasništvu upravitelju ili predsjedniku (član 35. stav 2. i 3.) i koji o svakoj promjeni vlasništva ne obavijesti upravitelja (član 35. stav 4.).

Član 40.

Novčanom kaznom od 1.000,00 do 5.000,00 KM kaznit će se za prekršaj pravno lice ili obrtnik sa kojim je zaključen ugovor o održavanju zajedničkih dijelova i uređaja zgrade:

- ako bez odgađanja ne preduzima radnje na otklanjanju kvarova koji mogu prouzrokovati štete na zajedničkim dijelovima i uređajima zgrade ili posebnim dijelovima zgrade (član 15. 16. i 17.);
- ako bez odgađanja ne preduzima radnje na otklanjanju kvarova koji mogu ugroziti život i zdravlje vlasnika ili drugih lica (član 18.);
- ako ne organizuje redovno održavanje zajedničkih dijelova i uređaja zgrade i ne održava ih u funkcionalnom stanju prema uvjetima iz ugovora (član 20.);
- ako ne koristi sredstva namijenjena za održavanje zgrade za pokriće troškova održavanja zajedničkih dijelova i uređaja zgrade i prema uvjetima iz ugovora (član 35.);
- ako obavlja posao održavanja i upravljanja zgrade bez certifikata nadležnog Ministarstva (član 21.);

Za prekršaj iz stava 1. ovog člana kaznit će se i odgovorno lice u pravnom licu novčanom kaznom u iznosu od 200,00 do 1.000,00 KM.

X. PRIJELAZNE I ZAVRŠNE ODREDBE**Član 41.**

Danom stupanja na snagu ovog zakona prestaje primjena Zakona o održavanju zajedničkih dijelova i uređaja zgrade («Službene novine Ze-do kantona», broj: 1/00 i 1/02).

Član 42.

Sredstva za održavanje zajedničkih dijelova zgrada koja su vlasnici uplatili u ranijem periodu, a koja nisu namjenski utrošena na dan stupanja na snagu ovog zakona, moraju biti evidentirana i prebačena na depozitne račune zgrada otvorene kod upravitelja.

Član 43.

Ako je upravni ili sudski postupak pokrenut pred nadležnom službom ili organom ili sudom, do dana stupanja na snagu ovog zakona, a do tog dana nije donesena pravosnažna odluka, okončat će se po odredbama zakona koji su bili na snazi u vrijeme pokretanja postupka.

Član 44.

Općinsko vijeće dužno je usvojiti kućni red u stambenim i stambeno-poslovnim zgradama na prijedlog općinske službe za upravu nadležne za provođenje ovog zakona.

Kućni red se odnosi i na vlasnike i korisnike poslovnih prostora.

Član 45.

Ovaj zakon stupa na snagu osmog dana od dana objavljivanja u «Službenim novinama Zeničko-dobojskog kantona».

Broj: 01-02-2725/08. godine

Datum, 23.01.2008. godine

Zenica

PREDSJEDAVALJUĆI

Sejad Zaimović, s.r.

30.

Na osnovu člana 103. Poslovnika Skupštine Zeničko-dobojskog kantona (Službene novine Zeničko-dobojskog kantona broj 4/05), Skupština Zeničko-dobojskog kantona na 14. sjednici održanoj dana 23.01.2008. godine, donijela je

D E K L A R A C I J U**o zaštiti domaće poljoprivredne proizvodnje****I**

Skupština Zeničko-dobojskog kantona smatra da su ugovori o slobodnoj trgovini sa Republikom Hrvatskom i Republikom Srbijom u nepovoljan položaj doveli domaću poljoprivrednu proizvodnju, kao i cjelokupnu poljoprivrednu-prehrambenu industriju u Zeničko-dobojskom kantonu, Federaciji Bosni i Hercegovini i u Bosni i Hercegovini, što je uzrokovalo da je vanjskotrgovački deficit sa susjednim zemljama, (Republikom Hrvatskom i Republikom Srbijom), izrazito nepovoljan sa tendencijom daljeg rasta.

II

Skupština Zeničko-dobojskog kantona smatra da vanjskotrgovački lobiji sistemski ugrožavaju domaću poljoprivrednu proizvodnju u Bosni i Hercegovini i onemogućavaju stvaranje nove vrijednosti, a samim time i otvaranje novih radnih mjesta.

III

Skupštine Zeničko-dobojskog kantona je opredijeljena

da se u Bosni i Hercegovini izjednači nivo poticajnih mjera u poljoprivrednoj proizvodnji sa poticajnim mjerama u Republici Hrvatskoj i Republici Srbiji u cilju zaštite domaće poljoprivredne proizvodnje.

IV

Skupština Zeničko-dobojskog kantona preporučuje poslanicima u Predstavničkom Domu Parlamentarne Skupštine Bosne i Hercegovine da se zauzmu za formiranje laboratorija za kontrolu kvaliteta hrane iz uvoza, koja će biti kadrovski i tehnički osposobljena na nivou sličnih laboratorija susjednih zemalja, te da se na isti način filtrira uvoz hrane, kao što se to radi u Hrvatskoj, Srbiji i Sloveniji.

V

Skupština Zeničko-dobojskog kantona preporučuje Parlamentarnoj Skupštini Bosne i Hercegovine, da u cilju zaštite domaće proizvodnje, a u skladu sa ustavnim nadležnostima, donese odgovarajuća zakonska rješenja koja bi zaustavila deficit u vanjskotrgovačkoj razmjeni poljoprivrednih proizvoda i uravnotežila trgovinsku razmjenu sa zemljama iz okruženja.

VI

Deklaracija će se objaviti u "Službenim novinama Zeničko-dobojskog kantona".

Broj: 01-24-2729/08
Datum, 23.01.2008. godine
Zenica

PREDSJEDAVALAČI
Sejad Zaimović, s.r.

31.

Na osnovu člana 15. Poslovnika Skupštine Zeničko-dobojskog kantona («Službene novine Zeničko-dobojskog kantona» broj: 4/05), Skupština Zeničko-dobojskog kantona, na 14. sjednici održanoj dana 23.01.2008. godine, donijela je:

O D L U K U

o izmjeni Odluke o obrazovanju Kolegija Skupštine

Član 1.

U Odluci o obrazovanju Kolegija Skupštine („Službene novine Zeničko-dobojskog kantona“, broj: 9/07) u članu 1. tačka 10. mijenja se i glasi:

10. Ibrahim Avdagić - sekretar Skupštine.

Član 2.

Odluka stupa na snagu danom donošenja i objavit će se u «Službenim novinama Zeničko-dobojskog kantona».

Broj: 01-02-2728/08. godine **PREDSJEDAVALAČI**
Datum, 23.01.2008. godine
Zenica **Sejad Zaimović, s.r.**

VLADA

32.

Na osnovu člana 16. stav 1. Zakona o Vladi Zeničko-dobojskog kantona ("Službene novine Zeničko-dobojskog kantona", broj 16/00, 7/05 i 4/06) i člana 132. stav 1. tačka e) Zakona o policijskim službenicima Zeničko-dobojskog kantona ("Službene novine Zeničko-dobojskog kantona", broj 8/06 i 20/07), Vlada Zeničko-dobojskog kantona, na 43. sjednici, održanoj 15.01.2008. godine, donosi

U R E D B U

O DODJELJIVANJU I ODUZIMANJU ČINOVA POLICIJSKIM SLUŽBENICIMA ZENIČKO-DOBOJSKOG KANTONA

I OPĆE ODREDBE

Član 1. (Predmet uredbe)

Ovom uredbom propisuje se postupak dodjeljivanja početnih činova i činova policijskim službenicima koji su na dan stupanja na snagu Zakona o policijskim službenicima Zeničko-dobojskog kantona ("Službene novine Zeničko-dobojskog kantona" broj 8/06, u daljem tekstu: Zakon), bili zaposlenici Uprave policije Ministarstva unutrašnjih poslova Zeničko-dobojskog kantona (u daljem tekstu: Ministarstvo), utvrđuju poslovi policijskih službenika sa pripadajućim činom, postupak oduzimanja činova policijskim službenicima i uređuju druga pitanja od značaja za provođenje ove uredbe.

Član 2. (Dodjela i zaštita činova)

- (1) Čin se dodjeljuje policijskom službeniku.
- (2) Čin dodjeljen policijskom službeniku ne može biti oduzet, osim u slučaju prestanka radnog odnosa ili okončanja mandata policijskog komesara Zeničko-dobojskog kantona (u daljem tekstu: policijski komesar).

II DODJELJIVANJE POČETNIH ČINOVA

Član 3.
(Početni činovi)

Početni činovi za policijske službenike su:

- a) policajac - sa najmanje IV stepenom školske spreme,
- b) mlađi inspektor - sa najmanje VI stepenom školske spreme.

Član 4.
(Kadeti)

Kandidati koji prolaze obuku da bi radili u Ministarstvu, za vrijeme osnovne policijske obuke nemaju činove već tokom obuke imaju zvanje kadeta.

Član 5.
(Dodjela početnih činova i probni rad)

- (1) Nakon uspješno završene policijske obuke, kadetu se dodjeljuje početni čin u skladu sa članom 3. ove uredbe i isti se raspoređuje na radno mjesto radi obavljanja probnog rada.
- (2) Policijskom službeniku koji zadovolji na probnom radu potvrđuje se dodjeljeni početni čin.

Član 6.
(Dodjela početnog čina mlađi inspektor bez probnog rada)

Izuzetno, policijskom službeniku koji je proveo najmanje tri godine na radu u Ministarstvu i uz rad stekao viši stepen školske spreme, može se, nakon prijave za početni čin, dodijeliti čin mlađi inspektor, bez upućivanja na probni rad i isti se može rasporediti na upražnjeno radno mjesto pod sljedećim uslovima:

- a) da je u posljednje tri godine bio ocjenjen ocjenom "dobar" ili višom ocjenom,
- b) da je uspješno završio interni ispit za policijskog službenika i
- c) da se protiv njega ne vodi kivični ili disciplinski postupak za težu povredu službene dužnosti, odnosno da mu nije izrečena disciplinska sankcija: "obustavljanje unapređenja u viši čin".

Član 7.
(Popuna upražnjenih radnih mjesta)

- (1) U periodu oktobar-decembar svake godine, policijski komesar utvrđuje koja upražnjena radna mjesta i sa koliko izvršilaca za početni čin policajac i mlađi

inspektor, treba popuniti u narednoj godini.

- (2) Popuna radnih mjesta iz stava (1) ovog člana policijskim službenicima sa činom mlađi inspektor, vrši se tako da se jedna trećina popunjava putem zapošljavanja novih policijskih službenika a dvije trećine putem unapređenja policijskih službenika sa nižim činom.
- (3) U slučaju opravdanih razloga i na obrazložen prijedlog policijskog komesara, ministar Ministarstva odobrava i drugačiji omjer od omjera utvrđenog u stavu (2) ovog člana.

III RADNA MJESTA I ČINOVI POLICIJSKIH SLUŽBENIKA

Član 8.
(Pravilnik o unutrašnjoj organizaciji Ministarstva)

Pravilnikom o unutrašnjoj organizaciji Ministarstva utvrđuju se radna mjesta na koja se raspoređuju policijski službenici, opis poslova i zadataka i činovi policijskih službenika kao poseban uslov za raspoređivanje na radno mjesto.

Član 9.
(Činovi i utvrđeni poslovi)

- (1) Činovi policijskih službenika sa utvrđenim poslovima su sljedeći:
 - a) policajac – obavlja unutrašnje i vanjske poslove vezane za policijski posao,
 - b) stariji policajac – obavlja unutrašnje i vanjske poslove te istražne radnje vezane za policijski posao,
 - c) narednik – obavlja poslove na nivou vođe sektora i sprovodi istrage na nivou stanice,
 - d) stariji narednik – obavlja poslove rukovođenja na nivou vođe smjene, poslove komandira tima i sprovodi istražne poslove na svim nivoima,
 - e) mlađi inspektor – obavlja poslove pomoćnika komandira policijske stanice, jedinice u sektoru Ministarstva i sprovodi istražne poslove na svim nivoima,
 - f) inspektor – obavlja poslove pomoćnika komandira policijske stanice, zamjenika komandira policijske stanice i jedinice u sektoru Ministarstva te sprovodi istrage na nivoima policijskih uprava i Ministarstva,
 - g) viši inspektor – rukovodi policijskom stanicom, obavlja poslove zamjenika komandira policijske stanice, rukovodi jedinicama za istrage u policijskoj upravi, organizacionim jedinicama Ministarstva te vodi istrage teških krivičnih djela,
 - h) samostalni inspektor – rukovodi policijskom stanicom, jedinicama za istrage u policijskoj upravi, policijskom upravom i organizacionim jedinicama

- Ministarstva,
- i) glavni inspektor – rukovodi policijskom upravom, sektorom u Ministarstvu i organizacionom jedinicom Ministarstva,
 - j) generalni inspektor policije - čin dodijeljen policijskom komesaru.
- (2) Svako radno mjesto policijskog službenika utvrđeno Pravilnikom o unutrašnjoj organizaciji Ministarstva je u skladu sa činom koji policijski službenik ima.
- (3) Izuzetno, za pojedina radna mjesta u skladu sa članom 8. ove uredbe mogu se u Pravilniku o unutrašnjoj organizaciji Ministarstva, utvrditi kao uslov za raspoređivanje policijskih službenika na određeno radno mjesto, najviše dva susjedna čina, do nivoa samostalnog inspektora s tim da viši čin mora biti određen u skladu sa stavom (1) ovog člana.

IV DODJELJIVANJE ČINOVA POLICIJSKIM SLUŽBENICIMA NA OSNOVU ČLANA 128. ZAKONA

Član 10.

(Dodjeljivanje činova uposlenim policijskim službenicima)

U skladu sa članom 128. Zakona, činovi se dodjeljuju policijskim službenicima koji su bili uposlenici Ministarstva u vrijeme kada je Zakon stupio na snagu.

Član 11.

(Formiranje i sastav Komisije)

- (1) Policijski komesar formira Komisiju za utvrđivanje preporuka za dodjelu činova policijskim službenicima iz člana 10. ove uredbe (u daljem tekstu: Komisija).
- (2) Komisija je sastavljena od pet policijskih službenika zaposlenih u Ministarstvu.
- (3) Predsjedavajući mora imati čin glavni inspektor. Najmanje dva člana Komisije moraju imati minimalno deset godina radnog iskustva u policiji i jedan član treba biti diplomirani pravnik.
- (4) Na osnovu preporuke Komisije, policijski komesar donosi rješenje o dodjeli čina policijskom službeniku.

Član 12.

(Policijsko iskustvo i nivo obrazovanja kao uslovi za dodjelu činova)

- (1) Komisija će utvrditi i preporučiti policijskom komesaru dodjelu čina policijskom službeniku koji ispunjava uslove u pogledu policijskog iskustva i nivoa obrazovanja, uzimajući u obzir i uslove iz člana 13. ove uredbe, kako slijedi:
 - a) policajac – početni čin za završen III ili IV stepen školske spreme,

- b) stariji policajac – završen III ili IV stepen školske spreme i najmanje tri godine efektivnog radnog iskustva na policijskim poslovima,
 - c) narednik – završen III ili IV stepen školske spreme i najmanje sedam godina efektivnog radnog iskustva na policijskim poslovima,
 - d) stariji narednik – završen III ili IV stepen školske spreme i najmanje jedanaest godina efektivnog radnog iskustva na policijskim poslovima,
 - e) mlađi inspektor – početni čin za završeni VI ili VII stepen školske spreme,
 - f) inspektor – završen VI stepen školske spreme i najmanje četiri godine efektivnog radnog iskustva na policijskim poslovima ili završen VII stepen školske spreme i najmanje dvije godine efektivnog radnog iskustva na policijskim poslovima,
 - g) viši inspektor – završen VI stepen školske spreme i najmanje osam godina efektivnog radnog iskustva na policijskim poslovima ili završen VII stepen školske spreme i najmanje četiri godine efektivnog radnog iskustva na policijskim poslovima,
 - h) samostalni inspektor – završen VI stepen školske spreme i najmanje jedanaest godina efektivnog radnog iskustva na policijskim poslovima ili završen VII stepen školske spreme i najmanje sedam godina efektivnog radnog iskustva na policijskim poslovima,
 - i) glavni inspektor – završen VII stepen školske spreme i najmanje deset godina efektivnog radnog iskustva na policijskim poslovima.
- (2) Radi sticanja čina iz stava (1) ovog člana policijski službenik mora imati minimalan broj godina efektivnog radnog policijskog iskustva i minimalan nivo obrazovanja koji su predviđeni Zakonom za svaki pojedini čin.
 - (3) Efektivno radno policijsko iskustvo policijskog službenika sa VI i VII stepenom školske spreme računa se od dana sticanja stepena školske spreme.
 - (4) Broj godina radnog policijskog iskustva uzima se u obzir do dana stupanja na snagu ove uredbe.
 - (5) Ukoliko policijski službenik ima radno iskustvo u trajanju dužem od traženog za dodjelu čina, ostatak radnog iskustva će se uračunati prilikom unapređenja u viši čin kao već provedeno vrijeme u dodjeljenom činu.

Član 13.

(Ostali uslovi za dodjelu činova)

Prilikom odlučivanja o činu policijskog službenika Komisija uzima u obzir sljedeće uslove:

- a) godine radnog policijskog iskustva koje propisuje član 76. Zakona, odnosno član 12. ove uredbe,
- b) prethodna radna mjesta,

- c) godine staža na trenutnom radnom mjestu, prema evidenciji iz personalnog dosijea,
- d) stepen školske spreme propisan Zakonom za dati čin, što podrazumijeva da je potreban IV stepen školske spreme za početni čin policajac, VI i VII stepen školske spreme za početni čin mlađi inspektor i najmanje VII stepen školske spreme za čin glavni inspektor,
- e) disciplinska evidencija, što podrazumijeva da policijski službenik nije disciplinski kažnjavan, odnosno da se protiv policijskog službenika ne vodi disciplinski postupak za težu povredu službene dužnosti.

Član 14.
(Način dodjele čina)

- (1) Komisija predlaže policijskom komesaru dodjelu čina policijskom službeniku u skladu sa brojem i vrstom činova utvrđenih Pravilnikom o unutrašnjoj organizaciji Ministarstva.
- (2) Prilikom dodjele činova Komisija prvo ispituje da li policijski službenik ispunjava uslove propisane članom 12. i 13. ove uredbe za čin koji je predviđen na radnom mjestu na kojem radi u momentu dodjele čina.
- (3) Ukoliko policijski službenik ispunjava uslove za čin potreban za radno mjesto na kojem se nalazi u momentu dodjele čina, taj čin će mu biti dodjeljen.
- (4) Ukoliko policijski službenik ne ispunjava uslove za čin potreban za radno mjesto na kojem se nalazi u momentu dodjele čina, dodjelit će mu se odgovarajući čin, te će se premjestiti na upražnjeno radno mjesto koje odgovara tom činu.
- (5) U sklopu Ministarstva će se objaviti interni oglas za radno mjesto koje postane upražnjeno kao posljedica dodjeljivanja činova u skladu sa stavom (3) i (4) ovog člana.

Član 15.
(Činovi dodjeljeni po ranijem zakonodavstvu)

Policijski službenik zadržava čin koji je imao u trenutku stupanja na snagu ove uredbe, a koji je stekao po prethodno važećem zakonodavstvu sve dok mu se ne dodjeli čin u skladu sa ovom uredbom i članom 128. Zakona.

Član 16.
(Rješenje o dodjeli čina)

- (1) Rješenje o dodjeli čina donosi policijski komesar.
- (2) Na rješenje o dodjeli čina policijski službenik može uložiti žalbu Policijskom odboru osam dana od dana prijema rješenja i žalba odgađa izvršenje rješenja.

V ODUZIMANJE ČINA

Član 17.
(Razlozi za oduzimanje čina)

- (1) Policijskom službeniku kojem prestaje radni odnos iz razloga propisanih Zakonom, donosi se rješenje o oduzimanju čina.
- (2) Izuzetno, čin koji je policijski službenik imao u vrijeme penzionisanja, službenik može zadržati na počasnoj osnovi prema odluci ministra Ministarstva, na prijedlog policijskog komesara.

Član 18.
(Rješenje o oduzimanju čina)

- (1) Rješenje o oduzimanju čina donosi policijski komesar
- (2) Na rješenje o oduzimanju čina policijski službenik može uložiti žalbu Policijskom odboru osam dana od dana prijema rješenja i žalba odgađa izvršenje rješenja.

Član 19.
(Rješenje o činu policijskog komesara)

- (1) Rješenje o dodjeli čina policijskom komesaru te prestanku čina po isteku mandata, donosi Vlada Zeničko-dobojskog kantona.
- (2) Na rješenje iz stava (1) ovog člana nije dopuštena žalba ali se može pokrenuti postupak kod nadležnog suda.

VI. PRIJELAZNE I ZAVRŠNE ODREDBE

Član 20.
(Vrijeme dodjele činova)

Dodjela činova policijskim službenicima iz člana 10. ove uredbe će se obaviti u roku od 30 dana od dana stupanja na snagu Pravilnika o unutrašnjoj organizaciji Ministarstva.

Član 21.
(Prestanak važenja ranijeg propisa)

Shodno članu 137. Zakona prestala je da važi Uredba o činovima i oznakama činova ovlaštenih službenih lica u Ministarstvu unutrašnjih poslova Zeničko-dobojskog kantona ("Službene novine Zeničko-dobojskog kantona" broj 01/03 i 04/03).

Član 22.
(Stupanje na snagu i početak primjene Uredbe)

Ova uredba stupa na snagu osmog dana od dana objavljivanja u "Službenim novinama Zeničko-dobojskog

kantona”.

V.

Broj: 02-04-1852/08
Datum, 15.01.2008. godine
Zenica

PREMIJER**Miralem Galijašević, s.r.**

Odluka stupa na snagu danom donošenja i biće objavljena u „Službenim novinama Zeničko-dobojskog kantona“.

33.

Na osnovu člana 16. stav 2. Zakona o Vladi Zeničko-dobojskog kantona („Službene novine Zeničko-dobojskog kantona“, broj 16/00, 7/05 i 4/06), a u vezi sa Zaključkom broj 02-14-30991/07 od 28.12.2007. godine, Vlada Zeničko-dobojskog kantona, na 42. sjednici, održanoj 28.12.2007. godine, d o n o s i

O D L U K U**o odobravanju sredstava za deponovanje****I.**

Odobravaju se sredstva u iznosu od 500.000,00 KM (slovima: petstotinhiljada konvertibilnih maraka) radi deponovanja kod Investiciono-komercijalne banke d.d. sa sjedištem u Zenici, a u svrhu realizacije Programa utroška sredstava usvojenog Zaključkom br. 02-14-10119/07 od 18.04.2007. i realizacije Projekta osnivanja Kreditno-garancijskog fonda usvojenog Zaključkom br. 02-14-12059/07 od 09.05.2007. godine.

II.

Odobrena sredstva iz tačke I. ove odluke isplatiće se iz Budžeta Zeničko-dobojskog kantona za 2007, razdjel 12, budžetska organizacija 03, potrošačka jedinica 0001, Biznis servis centar Zeničko-dobojskog kantona, ekonomski kod 822600, pozicija „Ostala domaća pozajmljivanja –Kreditni fond“.

III.

Ovlašćuje se sekretar Biznis servisa centra da, shodno tački I. ove odluke, sa Investiciono-komercijalnom bankom d.d. Zenica zaključi Ugovor o pružanju usluga kreditiranja poslovnih aktivnosti privrednih društava na području Zeničko-dobojskog kantona koji je sastavni dio ove odluke.

IV.

Za realizaciju ove odluke zadužuje se Biznis servis centar i Ministarstvo finansija, svako u okviru svojih nadležnosti.

Broj: 02-04-30999/08

Datum, 28.12.2007. godine

Zenica

PREMIJER**Miralem Galijašević, s.r.****34.**

Na osnovu člana 16. stav 3. Zakona o Vladi Zeničko-dobojskog kantona („Službene novine Zeničko-dobojskog kantona“, broj 16/00, 7/05 i 4/06), člana 17. Zakona o osnivanju Javne ustanove Kantonalni zavod za zdravstveno osiguranje („Službene novine Zeničko-dobojskog kantona“, broj 11/97 i 2/98) i člana 4. stav 2. Zakona o ministarskim, vladinim i drugim imenovanjima u Federaciji Bosne i Hercegovine („Službene novine Federacije Bosne i Hercegovine“, broj 12/03 i 34/03), Vlada Zeničko-dobojskog kantona, na 43. sjednici, održanoj 15.01.2008. godine, donosi

RJEŠENJE**o imenovanju direktora Zavoda zdravstvenog osiguranja Zeničko-dobojskog kantona na kraći vremenski period****I**

Sulejman Muminović imenuje se na poziciju direktora Zavoda zdravstvenog osiguranja Zeničko - dobojskog kantona na kraći vremenski period, do okončanja postupka imenovanja po konkursu, a najduže na period do dva (2) mjeseca.

II

Rješenje stupa na snagu danom donošenja, a objavit će se u „Službenim novinama Zeničko-dobojskog kantona“.

Broj: 02-34-1858/08

Datum, 15.01.2008. godine

Zenica

PREMIJER**Miralem Galijašević, s.r.****35.**

Na osnovu člana 16. stav 3. Zakona o Vladi Zeničko-dobojskog kantona („Službene novine Zeničko-dobojskog kantona“, broj: 16/00 i 4/06) i člana 1. i 2. Uredbe o vršenju ovlaštenja organa Zeničko-dobojskog kantona u privrednim društvima sa udjelom državnog kapitala („Službene novine

Zeničko-dobojskog kantona”, broj 5/06 i 4/07), a u skladu sa članom 12. Zakona o ministarskim, vladinim i drugim imenovanjima Federacije Bosne i Hercegovine (“Službene novine Federacije Bosne i Hercegovine”, broj: 34/03.), nakon provedenog postupka po oglasu za upražnjene pozicije u Nadzornom odboru, Vlada Zeničko-dobojskog kantona u funkciji Skupštine javnog preduzeća “Šumsko-privrednog društva Zeničko-dobojskog kantona” d.o.o. Zavidovići, na 44. sjednici, održanoj 15.01.2008. godine, donosi

RJEŠENJE

o konačnom imenovanju predsjednika i članova Nadzornog odbora JP “Šumsko-privredno društvo Zeničko-dobojskog kantona” d.o.o. Zavidovići

Član 1.

Za predsjednika i članove Nadzornog odbora JP “Šumsko-privredno društvo Zeničko-dobojskog kantona” d.o.o. Zavidovići, na period 4 godine od dana imenovanja, imenuju se:

1. Hasanspahić Admir, dipl. ekonomista iz Olova - predsjednik
2. Operta Fikret, prim. doktor iz Vareša - član,
3. Alojz Dunder, dipl. ing. šumarstva iz Žepča - član,
4. Čiva Ahmed, dipl.ing el.tehnike iz Breže - član,
5. Sendić Kemal, dipl. ekonomista iz Zavidovića - član.

Član 2.

Rješenje stupa na snagu danom donošenja i bit će objavljeno u “Službenim novinama Zeničko-dobojskog kantona“ i “Službenim novinama Federacije Bosne i Hercegovine”.

Broj: 02-34-1853/08

Datum, 15.01.2008. godine

Zenica

PREMIJER

Miralem Galijašević, s.r.

.....
MINISTARSTVO ZA PRAVOSUĐE I UPRAVU

36.

Na osnovu člana 7. Zakona o kantonalnim ministarstvima i drugim tijelima kantonalne uprave (“Službene novine Zeničko-dobojskog kantona”, broj: 15/04 i 6/07), u vezi sa članom 295. stav 1. i 3. i članom 294. stav 3. Zakona o upravnom postupku (“Službene novine Federacije Bosne i Hercegovine”, broj: 2/98 i 48/99), Ministar Ministarstva za pravosuđe i upravu Zeničko - dobojskog kantona, d o n o s i:

U P U T S T V O

o načinu iskazivanja podataka u godišnjim izvještajima kantonalnih i općinskih organa uprave o rješavanju upravnih stvari u upravnom postupku

I

Ovim uputstvom propisuje se način iskazivanja podataka u godišnjim izvještajima (u daljem tekstu: izvještaj), kantonalnih i općinskih organa uprave (u daljem tekstu: organi uprave) o rješavanju upravnih stvari u upravnom postupku, kao i obrazac izvještaja i rok za njegovo podnošenje.

II

Izvještaj se podnosi Vladi Zeničko-dobojskog kantona (u daljem tekstu: Vlada kantona), putem Ministarstva za pravosuđe i upravu najkasnije do 20. februara tekuće godine za prethodnu godinu.

III

Izvještaj se sačinjava na obrazcu formata A-4, koji se sastoji od četiri stranice i koji se nalazi u prilogu uputstva te čini njegov sastavni dio.

Izvještaj može biti izrađen na računaru, s tim što mora sadržavati formu i podatke obrazca iz stava 1. ove tačke.

IV

Obrazac iz tačke 3. ovog uputstva popunjava se na računaru ili pisačom mašinom .

V

Ovo uputstvo stupa na snagu osmog dana od dana objavljivanja u “Službenim novinama Zeničko-dobojskog kantona”.

Broj: 06/04-05-10- 2980/08

Datum: 29.01.2008. godine

Zenica

MINISTAR

Miroslav Penko, s.r.

.....

D.

Žalbe u postupku rješavanja	Ukupno			Izvanredni-vanredni pravni lijekovi		Ukupno			Upravni spor- tužba				Ukupno	
	Nije protekao zakonski rok	Protekao zakonski rok	Po načinu pokretanja postupka	Ukinuto	Poništeno	Po načinu pokretanja postupka	Zajedno	Odbačeno	Odbijeno	Uvaženo	Obustava	Po načinu pokretanja postupka	Zajedno	
11		12	13	14	15	16	17	18	19	20	21	22	23	24

Napomena: podaci se iskazuju brojačno

TABELA 3 – Broj i vrsta primjenjenih prisilnih mjera

E.

Redni broj	Prisilne mjere		Rezultati primjenjenih prisilnih mjera
	Vrsta	Broj	

Napomena: podaci se iskazuju tekstualno i brojačno

OBRAZLOŽENJE ISKAZANIH PODATAKA

(Obrazložiti iskazane podatke u tabelama, razloge za prekoračenje rokova i predviđene mjere za otklanjanje propusta)

M.P.

Potpis ovlaštene osobe

37.

Na osnovu člana 16. Pravilnika o radu notara («Službene novine Federacije Bosne i Hercegovine», broj: 16/02), Ministar za pravosuđe i upravu Zeničko-dobojskog kantona, dana 03.01.2008. godine, d o n o s i:

R J E Š E N J E

o formiranju Komisije za pregled prostorija, opreme i sredstava za rad notara sa službenim sjedištem u Zeničko-dobojskom kantonu

I

Imenuje se Komisija za pregled prostorija, opreme i sredstava za rad notara sa službenim sjedištem u Zeničko-dobojskom kantonu, u sastavu:

- | | |
|-------------------|---|
| 1. MELIH KARAN, | predsjednik, stručni saradnik za upravu u Ministarstvu za pravosuđe i upravu, |
| 2. ZUMRETA DELIĆ, | član, kantonalni građevinski inspektor, u Kantonalnoj upravi za inspekcijske poslove, |
| 3. JOSIP ŠAIN, | član, inspektor za PPZ u Ministarstvu unutrašnjih poslova. |

II

Zadatak Komisije iz stava I. ovog rješenja je da:

- izvrši uvid u poslovne prostorije, opremu i sredstva imenovanih notara sa službenim sjedištem u Zeničko-dobojskog kantona,
- da sačini zapisnik o izvršenom pregledu,
- da da svoje mišljenje o tome **da li su/nisu ispunjeni** svi potrebni uslovi za rad notara propisani članovima od 9. do 14. Pravilnika o radu notara.

III

Rad Komisije iz tačke I ovog rješenja utvrđuje se za rad po zahtjevima u 2008. godini.

IV

Naknada za rad članovima Komisije odredit će se posebnim rješenjem.

V

Ovo rješenje stupa na snagu danom donošenja, a objavit će se na oglasnoj tabli Ministarstva i u «Službenim

novinama Zeničko-dobojskog kantona».

Broj: 06/04-34-26884-1/07
Zenica, 03.01.2008. godine

MINISTAR
Miroslav Penko, s.r.

MINISTARSTVO FINANSIJA

38.

Na osnovu člana 61. Zakona o budžetima u Federaciji BiH („Službene novine Federacije BiH“, broj 19/06) i poglavlja I OSNOVNE ODREDBE, tačka 2., Uputstva o izvršavanju budžeta sa Jedinstvenog računa trezora („Službene novine Federacije BiH“, broj 94/07), a u vezi sa članom 70. Zakona o organizaciji organa uprave u F BiH („Službene novine Federacije BiH“, broj 35/05), Ministar finansija donosi

R J E Š E N J E

Član 1.

Stavlja se van snage Uputstvo Ministra finansija o izvršavanju budžeta sa Jedinstvenog računa trezora, broj 07-14-13381/03 od 24.06.2003. godine.

Član 2.

Rješenje stupa na snagu danom donošenja, primjenjuje se od 27.12.2007. godine i objavit će se u „Službenim novinama Zeničko-dobojskog kantona“.

Broj: 07-14-1284-1/08
Datum, 14.01.2008. godine
Zenica,

MINISTAR
Mirsad Šaranović, s.r.

MINISTARSTVO ZA OBRAZOVANJE, NAUKU, KULTURU I SPORT

39.

Na osnovu člana 14. stav 1. Zakona o kantonalnim ministarstvima i drugim tijelima uprave, („Službene novine Zeničko-dobojskog kantona“ broj : 15/04., i 06/07.), a u vezi sa članovima 21. Zakona o osnovnoj školi i 23. Zakona o srednjoj školi, („Službene novine Zeničko-dobojskog kantona“ broj : 05/04., i 20/07.), ministrica Ministarstva za obrazovanje, nauku, kulturu i sport donosi :

PRAVILNIK

o formiranju i radu školskih odbora

Član 1.

Ovaj Pravilnik uređuje pitanja formiranja i rada školskih odbora i predstavlja opći okvir za uređivanje ove materije, a primjenjivat će se u svim osnovnim i srednjim školama

kao javnim ustanovama u državnoj svojini na području Zeničko-dobojskog kantona.

Član 2.

Opće funkcioniranje Školskog odbora određivat će politiku škole, pratiti primjenu politike i osiguravati da se školski izvori koriste efikasno.

Školski odbori će imati i sljedeće funkcije:

- a) donositi godišnji program rada i usvajati izvještaje o njegovoj primjeni,
- b) pratiti i usmjeravati cjelokupni rad škole,
- c) odlučivati o korištenju raspoloživih sredstava škole u skladu sa zakonom,
- d) donosi odluke o raspisivanju konkursa za izbor nastavnika i stručnih saradnika i vrši izbor,
- e) imenovati direktora,
- f) pratiti opći uspjeh učenika i preduzimati mjere na poboljšanju radnih uvjeta u školi i nastavi,
- g) donositi opće propise i druga akta za školu,
- h) pratiti i kontrolirati sve aktivnosti predviđene zakonom i dokumentima koji se tiču osnivanja škole,
- i) uspostavljati procedure kroz koje učenici i osoblje mogu ostvariti komunikaciju i obavljati sve druge funkcije škole prema zakonu.

I. Imenovanje školskih odbora

Član 3.

Školski odbor će imati pet (5) članova.

Dva člana školskog odbora biraju se iz reda nastavnika, stručnih saradnika i osoblja škole na prijedlog nastavničkog vijeća, jedan iz reda roditelja, odnosno staratelja učenika škole na prijedlog vijeća roditelja, jedan iz reda lokalne zajednice, a jednog bira Vlada Kantona.

Sastav Školskog odbora će odražavati nacionalnu strukturu učenika i roditelja, školskog osoblja i lokalne zajednice, onako kako ona u datom trenutku izgleda, a u principu prema popisu stanovništva u BiH 1991. godine.

Promjene u sastavu Školskog odbora, ukoliko je potrebno, bit će napravljene u skladu sa nacionalnom strukturom populacije učenika povećavanjem ili zamjenom broja članova Školskog odbora, u okviru ograničenja naznačenih u postojećim zakonima.

U svim javnim osnovnim i srednjim školama u Bosni i Hercegovini u kojima je procenat populacije učenika i nastavnika povratnika / domicilne manjine jednak ili veći od 10% ukupne školske populacije najmanje jedan dodatni

član će, u skladu sa zakonskim mogućnostima, biti uključen u sastav postojećeg Školskog odbora, u cilju osiguranja zastupljenosti predstavnika povratničke / domicilne manjinske populacije.

U slučaju da zakoni ne omogućavaju imenovanje dodatnih članova (člana) Školskog odbora, osnovna ili srednja škola će morati zamijeniti postojeće članove (člana) Školskog odbora predstavnicima (predstavnikom) povratničke / domicilne manjinske populacije.

Član 4.

Članovi Školskog odbora će se birati na period od četiri (4) godine.

Nakon isteka mandata člana Školskog odbora isti može biti ponovo izabran.

Član 5.

Vijeće roditelja i Nastavničko vijeće, će javnim ili tajnim glasanjem predložiti svoje predstavnike u Školskom odboru na početku školske godine, odnosno u vrijeme konstituiranja Školskog odbora.

Detalji vezani za proceduru imenovanja članova Odbora koje vrše ovi organi, kao i načina glasanja, biti će preciznije regulirani Pravilima škole.

Imenovanje predstavnika Školskog odbora iz reda osnivača-predsjednika i lokalne zajednice, obaviti će se putem javnog oglasa u skladu sa Zakonom o ministarskim, vladinim i ostalim imenovanjima u Federaciji Bosne i Hercegovine.

Član 6.

Predsjednika i članove školskog odbora imenuje i razrješava osnivač.

Ukoliko je škola u državnoj svojini, prava i obaveze osnivača vrši Vlada Kantona.

Konačno imenovanje članova školskog odbora iz reda nastavnika, stručnih saradnika i osoblja škole, odnosno iz reda roditelja, će biti obavljeno u skladu sa obavezujućom odlukom organa navedenih u članu 5.

Član 7.

Za člana Školskog odbora neće biti izabrana osoba koja:

- a) je direktor ili pomoćnik direktora javne osnovne ili srednje škole u kojoj Školski odbor djeluje,

- b) je u bilo kakvoj rodbinskoj vezi do drugog stepena sa bilo kojim članom Školskog odbora,
- c) ima kriminalni sudski dosije bilo koje vrste,
- d) je zaposlena na drugoj izabranoj poziciji koja može utjecati na eventualni sukob interesa.

Član 8.

Imenovanje članova Školskog odbora bit će okončano u roku od najmanje petnaest (15) dana prije isteka mandata članova Školskog odbora.

Školski odbor će pokrenuti inicijativu za imenovanje novih članova Odbora najmanje trideset (30) dana prije isteka mandata njegovih članova.

Član 9.

Članstvo u Školskom odboru može biti poništeno u sljedećim slučajevima:

- a) član Školskog odbora podnese zahtjev za prekid učešća u radu Odbora,
- b) ukoliko se radi o nastavniku, odnosno stručnom saradniku ili drugom zaposleniku u slučaju prestanka radnog odnosa,
- c) ukoliko se radi o roditelju, u slučaju da njegovo/njeno dijete prestane pohađati predmetnu osnovnu ili srednju školu,
- d) Vijeće roditelja, Nastavničko vijeće, lokalna zajednica ili osnivač, u zavisnosti od reda iz kojeg je predstavnik imenovan, odluči okončati članstvo tog člana u Školskom odboru,
- e) Školski odbor procijeni, (većinskim glasanjem), da član Školskog odbora nije u stanju obavljati svoje dužnosti, ili nije aktivan u svom radu.

U slučaju da član Školskog odbora dâ otkaz ili napusti članstvo prije isteka mandata, Školski odbor je odgovoran za pokretanje procedure prema osnivaču za imenovanje adekvatne zamjene.

U slučaju isteka mandata Školskog odbora, imenovanje novih članova vršit će se u skladu sa članom 5.

U slučaju da Školski odbor ne postupa u skladu sa zakonom, a naročito ako Školski odbor ne izvrši imenovanje direktora u skladu sa zakonom, osnivač će pokrenuti proceduru za razrješenje Školskog odbora.

Član 10.

Članovi Školskog odbora će svoje dužnosti obavljati na dobrovoljnoj osnovi i bez bilo kog vida nadoknade.

II. Opći metod rada školskih odbora

Član 11.

Sve odluke Školskog odbora donose se na sastancima Školskog odbora.

Školski odbor može donijeti odluku samo u slučaju da je većina članova Školskog odbora prisutna na sastanku, a odluka Školskog odbora će biti proglašena konačnom samo ako je većina članova Školskog odbora glasala u korist odluke.

Članovi Školskog odbora mogu djelovati samo kao kolektivni organ i nemaju nadležnost za donošenje odluka van sastanaka Školskog odbora.

Rasprave i odluke Školskog odbora se odvijaju i donose na javan način, transparentno objavljuju na oglasnoj ploči škole, osim ako Školski odbor, u izuzetnim slučajevima postojanja opravdane potrebe zaštite privatnosti trećih lica, ne donese drugačiju odluku.

Član Školskog odbora koji se ne slaže sa odlukom tog organa može, na zapisnik, utvrditi da se on ili ona ne slaže sa konačnom odlukom Školskog odbora.

Član 12.

Prvi sastanak Školskog odbora zakazuje direktor škole.

Ostale sastanke Školskog odbora zakazuje predsjednik Školskog odbora, a u slučajevima kada je predsjednik Školskog odbora odsutan, sastanke zakazuje član Školskog odbora kojeg je imenovao predsjednik, odnosno zamjenik predsjednika kojeg imenuje Školski odbor na svojoj konstituirajućoj sjednici.

Predsjednik Školskog odbora će zakazati sastanak Školskog odbora na zahtjev:

- a) najmanje jedne trećine članova Školskog odbora,
- b) direktora škole,
- c) drugih zainteresiranih struktura.

Član 13.

Predsjednik Školskog odbora predlaže dnevni red za sastanak Školskog odbora u konsultaciji sa direktorom škole, a konačan dnevni red utvrđuje Školski odbor.

Prije sastanka Školskog odbora, članove Školskog odbora će njegov predsjednik, u pisanoj formi, obavijestiti

o predloženom dnevnom redu, datumu, vremenu i mjestu održavanja sastanka Školskog odbora.

U hitnim slučajevima, sastanci Školskog odbora mogu biti zakazani putem telefona, elektronske pošte ili na neki drugi adekvatan način.

Kada je to moguće, članovi Školskog odbora će primiti relevantan pisani materijal u vezi sa pitanjem o kojem će se raspravljati na sljedećem sastanku Školskog odbora.

Zakazani datumi sastanaka školskih odbora će biti postavljeni na oglasnoj tabli u školi sa predloženim dnevnim redom.

Član 14.

Prisustvo sjednicama Školskog odbora bit će obavezno za direktora škole i bilo koju drugu osobu čije prisustvo sastanku zahtijeva Školski odbor – u slučajevima kada se traži njihovo stručno mišljenje ili ako moraju da daju dodatno objašnjenje za određeno pitanje.

Poziv za prisustvo sjednicama Školskog odbora sa predloženim dnevnim redom, biti će dostavljen i sindikalnom povjereniku te škole.

Član 15.

Na svakom sastanku Školskog odbora vodit će se zapisnik.

Zapisnici iz prethodnog stava će sadržavati imena članova Školskog odbora koji su prisustvovali sastanku, pitanja o kojima se raspravljalo tokom sastanka Školskog odbora, kao i sve odluke Školskog odbora.

Zapisnike će potpisivati predsjednik Školskog odbora, kao i lice koje vodi zapisnik.

Izvodi iz zapisnika kao i zaključci i odluke sa sastanaka Školskog odbora bit će postavljeni na oglasnoj tabli u školi, najkasnije sedam dana od dana održavanja sjednice.

Član 16.

Članovi Školskog odbora će prisustvovati obukama- edukacijama koje mogu biti organizirane u školi, a u vezi sa primjenom važećih zakona i propisa u školi, te administrativno-fnansijskim upravljanjem u školi.

Član 17.

Druga pitanja koja nisu regulirana ovim Pravilnikom, a koja se odnose na aktivnosti Školskog odbora, bit će regulirana Poslovnikom o radu Školskog odbora.

Član 18.

Stupanjem na snagu ovog pravilnika, prestaje sa važenjem **Pravilnik o formiranju i radu školskih odbora, („Službene novine Zeničko-dobojskog kantona” broj: 14/04 i 02/05).**

Član 19.

Ovaj Pravilnik će stupiti na snagu danom donošenja i objavit će se u “Službenim novinama Zeničko-dobojskog kantona”.

Broj: 10-38-2315/08.

Datum, 23.01.2008. godine

Zenica

MINISTRICA

Zdenka Merdžan, s.r.

40.

Na osnovu člana 14. stav 1. Zakona o kantonalnim ministarstvima i drugim tijelima uprave, (“Službene novine Zeničko-dobojskog kantona” broj: 15/04., i 06/07.), a u vezi sa članovima 21. Zakona o osnovnoj školi i 23. Zakona o srednjoj školi, (“ Službene novine Zeničko-dobojskog kantona” broj : 05/04., i 20/07.), ministrica Ministarstva za obrazovanje, nauku, kulturu i sport d o n o s i :

PRAVILNIK o imenovanju direktora škola

Član 1.

Ovaj Pravilnik uređuje pitanja imenovanja direktora škola i primjenjivat će se u svim osnovnim i srednjim školama kao javnim ustanovama u državnoj svojini na području Zeničko-dobojskog kantona.

Član 2.

Osoba koja, uz opće uvjete, ispunjava i uvjete profesionalnih kvaliteta nastavnika, odnosno stručnog saradnika i ima najmanje pet godina iskustva u odgojno-obrazovnom procesu može biti imenovana na mjesto direktora.

Član 3.

Direktor je organ rukovođenja i odgovoran za rad škole i za vođenje pedagoških aktivnosti škole. Pored ostalih poslova propisanih zakonom, on obavlja i:

- a) predlaganje godišnjeg programa obrazovnog rada i aktivnosti na njegovom unapređenju, u okviru godišnjeg programa rada,
- b) poslove zapošljavanja osoblja škole u skladu sa

- zakonom,
- c) dodjeljivanje zadataka i dužnosti zaposlenima u skladu sa općim aktima škole i svim relevantnim aktima i propisima,
 - d) podnošenje godišnjeg izvještaja o uspjehu i rezultatima postignutim u obrazovnom radu i o općem radu škole Školskom odboru, osnivaču i Ministarstvu,
 - e) izvršavanje odluka Školskog odbora i Nastavničkog vijeća,
 - f) vršenje drugih poslova predviđenih Statutom škole i zakonom.

Član 4.

Za direktora škole može biti imenovana osoba koja:

- a) dokaže da nema kriminalni sudski dosje bilo koje vrste
- b) nije zaposlena na drugoj poziciji koja može utjecati na eventualni sukob interesa
- c) nije u bilo kakvoj rodbinskoj vezi do drugog stepena sa bilo kojim članom Školskog odbora.

Član 5.

Direktore svih javnih osnovnih i srednjih škola imenuje Školski odbor.

Imenovanje će se obaviti u skladu sa odredbama Zakona o osnovnoj i Zakona o srednjoj školi Zeničko-dobojskog kantona.

Član 6.

Školski odbor imenuje direktora škole na period od četiri (4) godine.

Po isteku tekućeg mandata, ista lice može biti ponovo imenovano za direktora te osnovne/srednje škole na još jedan mandat.

Za direktora te osnovne/srednje škole, ista osoba se ne može imenovati na više od dva uzastopna mandata.

Član 7.

Školski odbor donosi odluku o objavljivanju konkursa za poziciju direktora.

Školski odbor će objaviti konkurs za izbor i imenovanje direktora putem javnih glasila.

Konkurs za izbor i imenovanje direktora objavit će se najmanje tri (3) mjeseca prije isteka mandata tekućeg direktora i bit će otvoren najmanje petnaest (15) dana od dana objavljivanja.

Konkurs za imenovanje direktora sadrži:

- a) naziv ustanove sa adresom

- b) uvjete za imenovanje direktora
- c) rok za podnošenje prijave kandidata
- d) vrijeme za koje se vrši imenovanje
- e) dokumente koje su kandidati dužni podnijeti uz prijavu
- f) način i rok obavještanja kandidata o rezultatima konkursa
- g) naznaku da se nepotpune i neblagovremeno pristigle prijave neće razmatrati

Član 8.

Školski odbor može donijeti odluku o izboru direktora samo u slučaju da je većina članova Školskog odbora prisutna na sastanku, a odluka će biti proglašena konačnom samo ako je većina članova Školskog odbora glasala u korist odluke.

Školski odbor će, pismenim putem, obavijestiti sve učesnike konkursa o odluci o izboru kandidata za direktora u roku od osam (8) dana od dana odluke Školskog odbora.

Član 9.

Školski odbor može razriješiti dužnosti direktora i prije isteka njegovog / njenog mandata iz jasno navedenih razloga vezanih za ozbiljna kršenja dužnosti ili profesionalnu nekompetentnost.

Inicijativu za razrješavanje dužnosti direktora škole može pokrenuti ministar, Nastavničko vijeće, Vijeće roditelja, osnivač i bilo koji od članova Školskog odbora.

Inicijativu za pokretanje postupka za razrješene dužnosti direktora škole razmatra Školski odbor, i o svojoj konačnoj odluci obavještava podnosioca inicijative, a obavezno osnivača odnosno Ministarstvo.

Član 10.

Direktor škole koji nakon isteka vremena na koje je biran ne bude ponovo biran prioriteto se raspoređuje na radno mjesto koje odgovara njegovom stepenu stručne spreme određene vrste zanimanja, znanja i sposobnosti, u školi u kojoj je bio zaposlen prije imenovanja na dužnost direktora

Član 11.

Ako primijeni proceduru iz ovog Pravilnika i ne nađe osobu pogodnu da bude imenovana na mjesto direktora, Školski odbor može, na period od najviše dva (2) mjeseca, na mjesto vršioca dužnosti direktora imenovati nekog od nastavnika, odnosno stručnih saradnika zaposlenih u školi.

Za poziciju vršioca dužnosti direktora ne objavljuju se javni konkursi.

Vršilac dužnosti direktora ima ista prava i obaveze kao direktor, i mora da ispunjava iste uvjete kao i kandidat za direktora škole.

U slučaju da Školski odbor, zbog neizvršavanja svojih dužnosti, ne popuni poziciju za direktora škole u roku od dva (2) mjeseca, ministar će posebnim rješenjem imenovati vršioca dužnosti direktora škole.

Član 12.

Osnovna i srednja škola, kao i škole koje organiziraju obrazovanje u područnim školama, mogu imenovati pomoćnika direktora, u skladu sa Pedagoškim standardima i normativima.

Školski odbor jednog od nastavnika zaposlenih u školi, odnosno stručnih saradnika imenuje na mjesto pomoćnika direktora, na preporuku direktora i uz saglasnost Ministarstva.

Procedura imenovanja pomoćnika direktora i njegove funkcije i odgovornosti predviđene su Pravilima škole.

Član 13.

Ovaj Pravilnik će se primjenjivati samo u slučaju kada je mandat direktora istekao, odnosno kada je mjesto direktora nepopunjeno.

Procedura imenovanja direktora u školama gdje je mandat direktora istekao vršit će se u skladu sa ovim Pravilnikom.

Član 14.

Bilo koja druga pitanja koja nisu regulirana ovim Pravilnikom, a koja se tiču imenovanja direktora škole, regulirat će se Pravilima škole i ne mogu biti u suprotnosti sa Zakonom i ovim Pravilnikom.

Član 15.

Stupanjem na snagu ovog pravilnika, prestaje sa važenjem **Pravilnik o imenovanju direktora škole, („Službene novine Zeničko-dobojskog kantona” broj: 14/04 i 02/05).**

Član 16.

Ovaj Pravilnik će stupiti na snagu danom donošenja i objavit će se u „Službenim novinama Zeničko-dobojskog

kantona“.

Broj: 10-38-2316/08.

Datum, 23.01.2008. godine

Zenica

MINISTRICA

Zdenka Merdžan, s.r.

41.

U skladu sa članom 14. stav 1., Zakona o kantonalnim ministarstvima i drugim tijelima kantonalne uprave („Službene novine Zeničko-dobojskog kantona“, broj: 15/04. i 06/07.), i člana 5. Pravilnika o stjecanju zvanja vozača-instruktora motornih vozila („Službeni glasnik Bosne i Hercegovine“ br.15/07. i 41/07.), ministrica Ministarstva za obrazovanje, nauku, kulturu i sport Zeničko-dobojskog kantona, donosi

R J E Š E N J E **o utvrđivanju visine naknade troškova** **polaganja popravnog ispita** **za stjecanje zvanja vozača-instruktora** **motornih vozila**

Član 1.

Ovim Rješenjem utvrđuje se visina troškova polaganja popravnog ispita za stjecanje zvanja vozača-instruktora motornih vozila po jednoj oblasti/ispitu - pojedinačno u iznosu od 100,00 KM (slovima: stotinu konvertibilnih maraka).

Član 2.

Ovo Rješenje stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 10-27-922-1/08.

Datum, 18.01.2008. godine

Zenica

MINISTRICA

Zdenka Merdžan, s.r.

42.

U skladu sa članom 14. stav 1., Zakona o kantonalnim ministarstvima i drugim tijelima kantonalne uprave („Službene novine Zeničko-dobojskog kantona“, broj: 15/04 i 06/07), a na osnovu člana 179. stav 2. Zakona o osnovama sigurnosti saobraćaja na putevima u Bosni i Hercegovini (“Službeni glasnik BiH”, br. 06/06. i 44/07.), člana 28. Pravilnika o osposobljavanju za vozače motornih vozila („Službeni glasnik Bosne i Hercegovine“ br.15/07., 20/07. i 41/07.) i člana 2. Pravilnika o radu ispitne komisije za vozače motornih vozila br. 10-27-26517-1/07 od

12.11.2007. godine, ministrica Ministarstva za obrazovanje, nauku, kulturu i sport Zeničko-dobojskog kantona donosi:

R J E Š E N J E
o izmjenama Rješenja o imenovanju ispitne komisije za vozače motornih vozila

I

U članu I Rješenja o imenovanju ispitne komisije za vozače motornih vozila br. 10-27-25385-8/07 od 28.11.2007. godine vrši se sljedeća izmjena:

- Hajrudin Agić - ispitivač teoretskog dijela ispita– briše se.

II

Sve ostale odredbe Rješenja ostaju i dalje na snazi.

III

Ovo Rješenje stupa na snagu danom donošenja i objavit će se u „Službenim novinama Zeničko – dobojskog kantona“.

Broj: 10-27-25385-8-4/08.
Datum, 23.01.2008. godine
Zenica

MINISTRICA

Zdenka Merdžan, s.r.

**MINISTARSTVO ZA PROSTORNO UREĐENJE,
PROMET I KOMUNIKACIJE I ZAŠTITU
OKOLINE**

43.

Na osnovu člana 42. Zakona o cestovnom prijevozu Federacije Bosne i Hercegovine („Službene novine Federacije BiH“, broj 28/06), ministar Ministarstva za prostorno uređenje, promet i komunikacije i zaštitu okoline Zeničko-dobojskog kantona donosi

**PRAVILNIK
O IZMJENAMA I DOPUNI PRAVILNIKA
O ORGANIZACIJI I NAČINU OBAVLJANJA
TAKSI PRIJEVOZA PUTNIKA NA PODRUČJU
ZENIČKO - DOBOJSKOG KANTONA**

Član 1.

U članu 17. stav 1. u drugom redu Pravilnika o organizaciji i načinu obavljanja taksi prijevoza putnika na području Zeničko-dobojskog kantona („Službene novine Zeničko-dobojskog kantona“, broj 10/07), iza riječi “prečnika” dodaje se riječ “najmanje”.

U članu 17. stav 2. mijenja se i glasi:

„Dopunska oznaka sadrži: naziv kantona, naziv i grb općine, naziv službe koja je izdaje, registarsku oznaku i evidencijski broj taksi vozila, te period važenja.“.

U članu 17. stav 4. mijenja se i glasi:

„Osnovna boja dopunske oznake je žuta a boja simbola crna.“.

Član 2.

Ovaj Pravilnik stupa na snagu narednog dana od dana objavljivanja u „Službenim novinama Zeničko-dobojskog kantona“.

Broj 12-02-269/08

Datum, 16.01.2008. godine

Zenica

MINISTAR

Nermin Mandra, s.r.

.....

OGLASNI DIO**OPĆINSKI SUD U KAKNJU****BROJ: 036-0-P-07-000-349****Kakanj, 08.01.2008.godine**

Općinski sud u Kaknju, sudija Lapajne Mirko, u pravnoj stvari tužitelja: 1. Goralija Mustafe, sin Selima i 2. Goralija Seada sin Selima, oba iz Gore, Kakanj, koje zastupa **punomoćnica Smaka Fahrija advokat iz Kaknja**, protiv tuženih: 1. mldb. Goralija Alije sin Mustafe iz Gore, Kakanj, 2. Goralija r. Žiško Samije, iz Slapnice, Kakanj, 3. Goralija Nedžada sin Salke iz Ilijaša, 4. Goralija Besima, sin Salke iz s. Gora, Kakanj, 5. mldb. Goralija Zehrudina sina Salke iz s. Gora, Kakanj, 6. mldb. Goralija Emine, kći Salke iz S.Gora, Kakanj, 7. Goralija Edina sin Salke iz s. Gora, Kakanj, 8. Goralija Zahida, sin Omera iz Tuzle, 9. Malić r. Goralija Elimane iz Sarajeva, 10. Goralija Ibre, sin Omera iz D.Moštra, 11. Goralija Zakira sin Omera iz Gore, 12. Goralija Zibe, kći Omera iz D.Moštra, 13. Goralija r. Muslić Faize iz Kaknja, 14. mldb. Goralija Izete, kći Omera iz Kaknja, 15. mldb. Goralija Izeta sin Omera iz Kaknja, 16. Krivić r. Begić Zinete iz Mošćanice, 17. Hasnopita r. Begić Derviše, iz Lješava, 18. Begić Rušida sin Muharema iz Kaknja, Čatići, 19. Begić Rašida sin Muharema iz Kaknja, Čatići, 20. Karalić r. Begić Hajre iz Zenice, 21. Kadić r. Begić Ifete iz Zenice, 22. Begić Zekije, kći Hilmije iz Kaknja, Gora, 23. Begić Mirsada sin Alije iz Kaknja, Gora, 24. Begić Mensura sin Alije iz Kaknja, Gora, 25. Begić Ferida sin Našida iz Gore, Kakanj, 26. Begić Derviša sin Našida iz Kaknja, 27. Begić Nezira sin Našida iz Kaknja, Gora, 28. Neimarlija Nevzete kći Našida iz Gore, Kakanj, 29. Goralija Atije, kći Mustafe, Gora, Kakanj, 30. Begić Osmana iz Gore, Kakanj, 31. Begić r. Hadžić Derviše iz Kaknja, Gora i 32. Mulić r. Goralija Elimane iz Sarajeva, svi sada nepoznatog prebivališta i boravišta koje zastupa privremeni zastupnik **Šljuka Hamdija, advokat iz Kaknja**, radi utvrđivanja vlasništva i upisa u zemljišne knjige, dana 08.01.2008. godine izdaje sljedeći

O G L A S

Općinski sud u Kaknju, u pravnoj stvari tužitelja Goralija Mustafe i Seada, sinovi Selima iz s. Gora, Kakanj, koje zaastupa punomoćnica Smaka Fahrija, advokat iz Kaknja, protiv tuženih mldb. Goralija Alije i dr.,

Tuženim:

1. mldb. Goralija Aliji sin Mustafe iz Gore, Kakanj,
2. Goralija r. Žiško Samiji, iz Slapnice, Kakanj,
3. Goralija Nedžad u sin Salke iz Ilijaša,
4. Goralija Besimu, sin Salke iz s. Gora, Kakanj,
5. mldb. Goralija Zehrudinu sina Salke iz s. Gora, Kakanj,
6. mldb. Goralija Emini, kći Salke iz S.Gora, Kakanj,
7. Goralija Edinu sin Salke iz s. Gora, Kakanj,
8. Goralija Zahidu, sin Omera iz Tuzle,
9. Malić r. Goralija Elimani iz Sarajeva,
10. Goralija Ibri, sin Omera iz D.Moštra,
11. Goralija Zakiru sin Omera iz Gore,
12. Goralija Zibi, kći Omera iz D.Moštra,
13. Goralija r. Muslić Faizi iz Kaknja,
14. mldb. Goralija Izeti, kći Omera iz Kaknja,
15. mldb. Goralija Izetu sinu Omera iz Kaknja,
16. Krivić r. Begić Zineta iz Mošćanice,
17. Hasnopita r. Begić Derviši, iz Lješava,
18. Begić Rušidu sin Muharema iz Kaknja, Čatići,
19. Begić Rašidu sin Muharema iz Kaknja, Čatići,
20. Karalić r. Begić Hajri iz Zenice,
21. Kadić r. Begić Ifeta iz Zenice,
22. Begić Zekiji, kći Hilmije iz Kaknja, Gora,
23. Begić Mirsadu sin Alije iz Kaknja, Gora,
24. Begić Mensuru sin Alije iz Kaknja, Gora,

25. Begić Feridu sin Našida iz Gore, Kakanj,
26. Begić Drvišu sin Našida iz Kaknja,
27. Begić Neziru sin Našida iz Kaknja, Gora,
28. Neimarlija Nevzeti kći Našida iz Gore, Kakanj,
29. Goralija Atiji, kći Mustafe, Gora, Kakanj,
30. Begić Osmanu iz Gore, Kakanj,
31. Begić r. Hadžić Derviši iz Kaknja, Gora i
32. Mulić r. Goralija Elimani iz Sarajeva, svi sada nepoznatogk prebivališta i boravišta

koje zastupa privremeni zastupnik **Šljuka Hamdija**, advokat iz Kaknja, radi utvrđivanja vlasništva i upisa u zemljišne knjige

rješenjem broj: 036-0-P-07-000-349 od 08.01.2008. godine na prijedlog tužitelja tuženim od 1-32 postavio privremenog zastupnika u ličnosti advokata Šljuka Hamdije iz Kaknja, jer je prebivalište i boravište tuženih nepoznato i nemaju punomoćnika u ovoj pravnoj stvari, tako da bi redovan postupak oko postavljanja zakonskog zastupnika trajao dugo, te bi mogle nastati štetne posljedice za stranke.

Postavljeni privremeni zastupnik zastupat će tužene sve dok se oni ili njihov punomoćnik ne pojave pred Sudom, odnosno dok organ starateljstva ne obavjesti Sud da im je postavio staratelja.

Ovaj oglas objavit će se u „Službenim novinama FBiH“, „Službenim novinama ZE-DO Kantona“ i putem oglasne ploče suda.

SUDIJA

Lapajne Mirko, s.r.

.....

OPĆINSKI SUD U KAKNJU

BROJ: 036-0-P-07-000-355

Kakanj, 16.01.2008.godine

Općinski sud u Kaknju, sudija Lapajne Mirko, u pravnoj stvari tužitelja: **Buza Suvada, sin Derviša, Plandište bb, Kakanj**, protiv tuženih: 1. **Hadžić Saliha**, sin Ibrahima, Doboj, 2. **Hadžić Fatime udt. Jašarspahić**, iz Doboja, 3. **Hadžić udt. Durmić Diše**, Doboj, 4. **Hadžić Mehe**, Doboj, svi sada nepoznatog prebivališta i boravišta koje zastupa privremeni zastupnik **Plasto Šefkija**, advokat iz Kaknja, 5. **Hadžić Namire, kći Sulejmana, Doboj**, 6. **Hadžić Agana, sin Sulejmana, Doboj**, 7. **Hadžić Hasana sin Sulejmana, Doboj**, 8. **Hadžić Fatime, kći Sulejmana, Doboj**, 9. **Kaknjo r. Hadžić Naze, iz Zenice**, 10. **Hadžić Šefika, sin Sulejmana, Doboj** i 11. **Hadžić Muhameda, sin Sulejmana, Doboj**, koje zastupa punomoćnik **Plasto Šefkija**, advokat iz Kaknja, radi utvrđivanja prava vlasništva održajem v.s. 3.000,00 KM, dana 16.01.2008. godine IZDAJE

O G L A S

Tuženim:

1. **Hadžić Salihu, sinu Ibrahima, Doboj**,
2. **Hadžić Fatimi udt. Jašarspahić, Doboj**,
3. **Hadžić udt. Durmić Diši, Doboj i**
4. **Hadžić Mehi, Doboj**, svi sada nepoznatog prebivališta i boravišta

koje zastupa privremeni zastupnik **Plasto Šefkija**, advokat iz Kaknja, radi utvrđivanja vlasništva održajem v.s. 3.000,00 KM

rješenjem broj: 036-0-P-07-000-355 od 16.01.2008. godine, na prijedlog tužitelja, tuženim od 1-4 postavio privremenog zastupnika u ličnosti advokata Plasto Šefkije iz Kaknja, jer je prebivalište i boravište tuženih nepoznato i nemaju punomoćnika u ovoj pravnoj stvari, tako da bi redovan postupak oko postavljanja zakonskog zastupnika trajao dugo, te bi mogle nastati štetne posljedice za stranke.

Postavljeni privremeni zastupnik zastupat će tužene sve dok se oni ili njihov punomoćnik ne pojave pred Sudom, odnosno dok organ starateljstva ne obavjesti Sud da im je postavio staratelja.

Ovaj oglas objavit će se u „Službenim novinama FBiH“, „Službenim novinama ZE-DO Kantona“ i putem oglasne ploče suda.

SUDIJA
Lapajne Mirko, s.r.

.....

OPĆINSKI SUD U KAKNJU

Broj: 036-0-P-07-000344

Kakanj, 23.01.2008.godine

Općinski sud u Kaknju objavljuje sljedeći:

O G L A S

Općinski sud u Kaknju, sudija Đurđica Radoš, u pravnoj stvari **tužitelja Kovač Ešrefa**, sina Saliha iz Kaknja, ul. V Divizije NOP-a, zastupan po punomoćniku Šljuka Hamdiji, advokatu iz Kaknja, protiv **tuženih: 1. Kusić Ramiza, kći Huseina, Brnjic bb, 2. Šljivo Mujesira, kći Huseina, Plandište bb, 3. Merdić Fehima, kći Huseina, Brnjic bb, 4. Škorić Maida, kći Huseina, Dubovo Brdo bb, 5. Duvnjak Ivo, sin Ivana, Zgošća bb, 6. Tursum Rasim, sin Hašima, D. Zgošća bb, 7. Kusić Adem, sin Mehmeda, Brnjic bb, 8. Kusić Zaim, sin Mehmeda, Brnjic bb, 9. Kusić rod. Beganović Fatima, Brnjic bb, 10. Kusić Adem, sin Huseina, Jarevice bb, 11. Miočević Jozo, sin Ilije, D. Zgošća bb, 12. Miočević Mijo, sin Ilije, D. Zgošća bb, 13. Miočević Ivo, sin Ilije, D. Zgošća bb, svi iz Kaknja, radi utvrđivanja vlasništva v.s. 1.000,00 KM.**

Tuženim **Duvnjak Ivo, sin Ivana, Zgošća bb, Tursum Rasim, sin Hašima, D. Zgošća bb, Kusić Adem, sin Mehmeda, Brnjic bb, Kusić Zaim, sin Mehmeda, Brnjic bb, Kusić rod. Beganović Fatima, Brnjic bb, Kusić Adem, sin Huseina, Jarevice bb, Miočević Jozo, sin Ilije, D. Zgošća bb, Miočević Mijo, sin Ilije, D. Zgošća bb, Miočević Ivo, sin Ilije, D. Zgošća bb, svi iz Kaknja**, postavio je privremenog zastupnika u ličnosti advokata Obraliya Mesuda iz Kaknja, jer je prebivalište i boravište tuženih nepoznato i nemaju punomoćnika u ovoj pravnoj stvari, tako da bi redovni postupak oko postavljanja zakonskog zastupnika trajao dugo, te bi mogle nastati štetne posljedice za stranke. Postavljeni privremeni zastupnik zastupat će tužene sve dok se oni ili njihov punoćnik ne pojave pred Sudom, odnosno dok organ starateljstva ne obavijesti Sud da im je postavio staratelja.

Ovaj oglas objavit će se u „Službenim novinama FBiH“, „Službenim novinama ZE-DO Kantona“ i preko oglasne table ovog Suda.

SUDIJA
Đurđica Radoš, s.r.

.....

OPĆINSKI SUD U KAKNJU

Broj: 036-0-P-07-000 332

Kakanj, 25.01.2008.godine

Općinski sud u Kaknju objavljuje sljedeći:

O G L A S

Općinski sud u Kaknju, sudija Đurđica Radoš, u pravnoj stvari **tužitelja 1. Kokić Fehim**, sin Hasana iz Kaknja i **2. Kokić rod. Manduka Ferida**, kći Zajke iz Kaknja, oboje iz Brnjica-Gradac br. 10., oboje zastupani po punomoćnici Smaka Fahriji, advokatu iz Kaknja, protiv **tuženih: 1. Begić Ago, um. Sokola, 2. Begić Ajka, um. Sokola, 3. Jašarspahić r. Hadžić Munira, 4. Kulović Hasib, sin Dervišbega, 5. Begić r. Kulović Esma, svi iz Kaknja – Doboju, 6. Smailbegović**

r. Kulović Mujesira, iz Breze, 7. Kulović Selveta, kći Dervišbega, 8. Kulović Hajrudin, sin Avde, 9. Kulović Naza, kći Avde, 10. Kulović Zulejha, kći Avde, svi iz Kaknja – Doboje, 11. Begić r. Hadžić Nura, preudata Čerkez iz Zenice, 12. Sinković r. Hasagić Razija, iz Kaknja – Bičer, 13. Burić r. Hodžić Razija, iz Visokog, 14. Kulović r. Jašarspahić Hatidža 15. Begić Ahmet, sin Šeme, 16. Kulović r. Begić Fata, 17. Goga r. Kulović Mulija 18. Kulović Šemsija, sin Nezira, 19. Kulović Šefkija, sin Nezira, 20. Kulović Zakir, sin Hasne, 21. Kulović Vehid, sin Hasne, 22. Kulović Nezir, sin Hasne, 23. Jašarspahić Rušid, sin Muje, 24. Begić Emsija, um. Atifa, 25. Imamović Hasan, sin Sulejmana, 26. Jusić r. Hadžić Hajra, 27. Hadžić Hamid, sin, Mehe, 28. Hadžić Nura, kći Mehe, 29. Hadžić Munira, kći Mehe, 30. Hadžić Osman, sin Mehe, 31. Hadžić Salih, sin Mehe, 32. Hadžić Ševko, sin Mehe, 33. Hadžić Vezira, kći Mehe, 34. Jašarspahić Alija, sin Ibri, 35. Delibašić Avdo, sin Ise, 36. Ceribašić- Begovac Aiša, kći Abdulaha, 37. Begić Sulejman, sin Salih, 38. Vila r. Begić Hajrija, 39. Imamović r. Begić Behija, 40. Lopo Mustafa, sin Muje, 41. Mešić Ibrahim, sin Ahmeda, 42. Mešić Ahmed, sin Ibrahima, 43. Mešić Muhamed, sin Ibrahima, 44. Imamović r. Mešić Ševala, 45. Haračić Abdulah, sin Rašida, svi iz Kaknja – Doboje, 46. Haračić Fatima, kći Rašida, 47. Ajrulović r. Haračić Ajša, 48. Haračić Latifa, kći Rašida, 49. Haračić Muhamed, sin Rašida, svi iz Kaknja – Bičer, 50. Begić Čamil, sin Čamila, 51. Begić Nezir, sin Čamila, 52. Begić Sabrija, sin Čamila, 53. Jašarspahić r. Begić Sabira, 54. Imamović r. Goga Sifa, 55. Jašarspahić r. Goga Sabija, kći Vejsila, 56. Goga Hasna, kći Vejsila, 57. Lopo r. Goga Hašija, kći Vejsila, 58. Goga Enver, sin Omera, 59. Kulović Jasmina, kći Salahudina, 60. Kulović Elbira, kći Salahudina, svi iz Kaknja – Doboje, 61. Rajak Miloš, sin Uroša iz Kaknja - Povezice, 62. Begić Mahmut, sin Mehe, 63. Jašarspahić r. Begić Latifa, 64. Begić Avdo, sin Mehe, 65. Durmić r. Begić Nura, 66. Begić Mustafa, sin Mehe, 67. Begovac Enver, sin Murata, 68. Begovac Hamdo, sin Murata, 69. Hadžić r. Begovac Zineta, svi iz Kaknja - Doboje, 70. Vranac r. Begovac Nura iz Visokog, 71. Goga r. Begovac Hasna, 72. Kozlo r. Begovac Mensura, 73. Migić r. Begovac Emina, 74. Begovac Mirsad, sin Selvera, 75. Hadžić r. Merdanović Nafija, 76. Smolo r. Puščul Mevla, 77. Ganić r. Smolo Đemila, 78. Smolo Kemal, sin Đemila, 79. Smolo Fahrudin, sin Đemila, 80. Smolo Nijaz, sin Đemila, 81. Begić r. Kulović Fisa, 82. Durmić Alija, sin Zuhdije, 83. Durmić Sabrija, sin Zuhdije, 84. Durmić Muhamed, sin Zuhdije, 85. Veispahić r. Durmić Zekija, svi iz Kaknja - Doboje, 86. Mekić Faruk, sin Hazima iz Sarajeva, 87. Pugnija r. Mekić Mirsada iz Busovače, 88. Jukić r. Mekić Jasmina iz Busovače, 89. Jašarspahić r. Letić Behija, 90. Jašarspahić Akif, sin Idriza, 91. Jašarspahić Alija, sin Idriza, 92. Veispahić r. Jašarspahić Vasva, 93. Imamović r. Jašarspahić Hasna, 94. Hadžić r. Jašarspahić Munira, 95. Jašarspahić Avdo, sin Idriza, 96. Hadžić r. Jašarspahić Jasmina, 97. Kulović r. Jašarspahić Ismeta, 98. Jašarspahić Ismet, sin Osmana, 99. Imamović r. Haračić Ziba, 100. Jašarspahić Hidajet, sin Đevada, svi iz Kaknja - Doboje, 101. Sejranović r. Imamović Indira iz Tuzle, 102. Hadžić Tahir, sin Ragiba iz Kaknja-Doboje, i 103. Trako r. Begić Jasmina iz Kaknja radi utvrđivanja vlasništva i upisa u zemljišne knjige v.s.1.000,00 KM, postavio je privremenog zastupnika u ličnosti advokata Šljuka Hamdija iz Kaknja, jer je prebivalište i boravište tuženih nepoznato i nemaju punomoćnika u ovoj pravnoj stvari, tako da bi redovni postupak oko postavljanja zakonskog zastupnika trajao dugo, te bi mogle nastati štetne posljedice za stranke. Postavljeni privremeni zastupnik zastupat će tužene sve dok se oni ili njihov punomoćnik ne pojave pred Sudom, odnosno dok organ starateljstva ne obavijesti Sud da im je postavio staratelja.

Ovaj oglas objavit će se u „Službenim novinama FBiH“, „Službenim novinama ZE-DO Kantona“ i preko oglasne table ovog Suda.

SUDIJA
Đurđica Radoš, s.r.

.....

SADRŽAJ**SKUPŠTINA**

25. Zakon o izmjenama i dopunama Zakona o kantonalnim ministarstvima i drugim tijelima kantonalne uprave.....	21
26. Zakon o izmjenama i dopunama Zakona o prostornom uređenju.....	23
27. Zakon o izmjenama i dopunama Zakona o građenju.....	25
28. Zakon o zaštiti od buke.....	30
29. Zakon o upravljanju i održavanju stambenih i stambeno-poslovnih zgrada.....	39
30. Deklaracija o zaštiti domaće poljoprivredne proizvodnje.....	46
31. Odluka o izmjeni Odluke o obrazovanju Kolegija Skupštine.....	47

VLADA

32. Uredba o dodjeljivanju i oduzimanju činova policijskim službenicima Zeničko - dobojskog kantona.....	47
33. Odluka o odobravanju sredstava za deponovanje.....	51
34. Rješenje o imenovanju direktora Zavoda zdravstvenog osiguranja Zeničko - dobojskog kantona na kraći vremenski period.....	51
35. Rješenje o konačnom imenovanju predsjednika i članova Nadzornog odbora JP „Šumsko-privredno društvo Zeničko-dobojskog kantona“ d.o.o. Zavidovići.....	52

MINISTARSTVO ZA PRAVOSUĐE I UPRAVU

36. Uputstvo o načinu iskazivanja podataka u godišnjim izvještajima kantonalnih i općinskih organa uprave o rješavanju upravnih stvari u upravnom postupku.....	52
37. Rješenje o formiranju Komisije za pregled prostorija, opreme i sredstava za rad notara sa službenim sjedištem u Zeničko-dobojskom kantonu.....	57

MINISTARSTVO FINANSIJA

38. Rješenje broj: 07-14-1284-1/08 od 14.01.2008. godine.....	57
---	----

MINISTARSTVO ZA OBRAZOVANJE, NAUKU, KULTURU I SPORT

39. Pravilnik o formiranju i radu školskih odbora.....	57
40. Pravilnik o imenovanju direktora škola.....	60
41. Rješenje o utvrđivanju visine naknade troškova polaganja popravnog ispita za stjecanje zvanja vozača-instruktora motornih vozila.....	62
42. Rješenje o izmjenama Rješenja o imenovanju ispitne komisije za vozače motornih vozila.....	63

MINISTARSTVO ZA PROSTORNO UREĐENJE, PROMET I KOMUNIKACIJE I ZAŠTITU OKOLINE

43. Pravilnik o izmjenama i dopuni Pravilnika o organizaciji i načinu obavljanja taksi prijevoza putnika na području Zeničko-dobojskog kantona.....	63
---	----

OGLASNI DIO	64
--------------------------	----